

Akabonero Akookusatu
Jeffersonville, Indiana, USA
Maaci 20, 1963

1 Musiibye mutyanno, Ab'emikwano. Ka tuyimirireko katono tusabe. Tukoteke ku mitwe gyaffe.

Kitaffe Ow'omu Ggulu, nga tuwulira — oluyimba olwo olulungi, ffe — tulowooza, Mukama, olwa . . . nti Oli kumpi. Era tusaba otusembeze leero, Mukama, ng'abaana Bo, tusonyiwe ebyonoono byaffe n'ebisobyo, era otuwe omukisa Gwo, nga bwe tuli abantu abali mu bwetaavu.

Kati mu ssaawa eno ey'ekitalo gye tulimu kati, era tukiraba nti, mwaka ku mwaka, yeeyongera kuddugalira ddala, eri ensi. Ate ng'okudda kwa Mukama kweyongera kwakaayakana, nga Yeebikkulira mu . . . mu Kigambo Kye era ne mu kweyoleka Kwe. Tuzze nate, leero, Mukama, okugezaako, mu lukunngaana luno, era n'okusaba Ggwe okutubikkulira, Mukama, Akabonero kano Akookusatu ak'Ekitabo kino, kamanyisibwe gye tuli tutegeere eky'okukola n'engeri y'okweyisaamu era n'engeri y'okubeera Abakulisitaayo abalungi.

2 Ayi Katonda, nsaba, nti buli atali Mukulisitaayo ali wano, leero, Onaamulaga nti akwetaaga. Kituwe. Era nze — nsaba, Kitaffe Ow'omu Ggulu, nti buli Mukulisitaayo eyazaalibwa omulundi ogwokubiri ategere nti ateekwa okusembera okumpi okusinga bw'abadde emabega, ffenna tulyoke twegatte mu kwagala kw'Elikulisitaayo n' okukiriza.

Tukusaba buli mulwadde ali wano mu ffe leero awone, Mukama. Bamanyi nga bwe bakwetaaga. Era nsaba, Kitaffe, nti byonna ebinaakolebwa n'ebinaayogerwa, Onaabiwa omukisa olw'ekitiibwa Kyo, tukisaba mu Linnya Iya Yesu, Amiina.

3 Kale, nate, leero, tukunngaanye nate, olwa — olunaku olwokusatu olwa wiiki. Era twesiga Mukama, leero, olwa — Okufuka omukisa ogw'ekitalo ku Kigambo Kye. Era leero mbadde nsoma, nga bulijjo, nga ngezaako okulowooza ku bintu ebisaanidde okwogerwa, n'engeri, y'okubyogera, olwo nga nneesigamye ku Mukama okumpa okuvvuunulwa n'amakulu ge — ag'Ekgambo ekyawandiikibwa. Era mmwebaza olw'ekyo ky'Atukoledde mu wiiki yonna, gye tu . . . okubembula kw'Obubonero buno.

4 Era, kati,

Oba oli awo kyandibadde kirungi singa ku Ssande ku makya, ku . . . Omanyi, emirundi mingi . . . Tetugenderera butategeerekekka, naye, omanyi, ggwe . . . Weesanga bwesanzi bw'otyo. Kale n'olw'ekyo, oba oli awo, ku Ssande ku makya, singa bona abalina ekibuuzzo ku kyo mu mitima gyabwe, bakiwandiika ne bakireeta wano, ku lwomukaaga, nsobile okukiraba. Era olwo ngezeeko okukiddamu, ku Sande ku nkya, Mukama nga Ayagadde. Ndowooza ekyo kirungiko okusinga ekyo kye tubadde tutegeka, kubanga, omanyi emirundi egimu tekitegeerekekka. Era mu ngeri eyo nja ku . . . Kyandibadde kirungi nki . . . Nkitangaaze, omanyi. Kyandibadde ekyo kye kiteekwa okuba.

Kubanga, oluusi, kati . . .

5 Waliwo eyazze n'anngamba, nti — nti, yazze ng'ayagala okumanya ova ddala kituufu, nti, "Okukwakkulibwa — bwe kulija, walibaawo omuntu omu yekka mu Jeffersonville era omu mu New York, ate abalala bona mitala wa mayanja." Kale, laba, tekyategeerekekka bulungi.

Ate waliwo eyagamba, nti, "Ku lunaku lwomukaaga, singa Mukama Atuwa Akabonero akasembayo, olwo Yesu Kristo Alijja ku Sande ku makya." Olaba? Kale kya — kya . . . Olaba, ggwe — ggwe toyinza . . . Ekyo, si bwe kiri. Era to . . . Si bwe kiri. Tetumanyi. Omuntu yenna bw'akugamba nti amanyi Iw'Alijja, okusookera ddala, omanyanga nti bakyamu, kubanga ekyo tewali akimanyi. Naye twagala tutwale obulamu bwaffe, olwaleero, nga kulinga okunaabaawo (okukwakkulibwa) kati.

6 Nngenda kugezaako okubatunuzaako katono emabega, kale mwetegeke. Nze — nzikiriza nti Yesu Ajja kujja, mu ddakiika, ezitawera ssatu okuva kati, mu kiseera Kye. Ggwe omanyi ekyo bbanga ki kye kirimala? Emyaka nga asatu-mu-etaano. Olaba, emyaka lukumi Iwe lunaku lumu, gy'Ali, olaba. Kale, bw'owulira omutume edda bwe yagambanga nti, "Obudde butuuse," wano, "Ekiseera kituuse." Omutume ekyo yakyogerera mu Kubikkulirwa. Omanyi ekyo kiseera kye kitutte? Ekyo tekibadde . . . Ekyo ye jjo mu maaso ga Katonda, tezinnaba na kuwera nnaku bbiri. Kati, olaba, ova kiri ddakiika ssatu, teziwera ddakiika ssatu ez'okujja Kwe, olaba, ekyo kyandibadde emyaka ng'asatu, bwe gityo, gye tuli, ova ekifaananako mu ngeri eyo. Laba engeri, eddakiika essatu kye ziri gy'Ali: kati Asituse, okujja. N'olw'ekyo ffe, ggwe . . .

7 Emirundi egimu bw'osoma wano, Akozesia lulimi Iwa Kigambo, olaba, si njogera yaffe. Kale singa mmanyi nti Anajja lunaku Iwa nkya, olunaku Iw'enkyo, enkyo, nandigenze mu maaso n'okuyiga n'okumusaba Ampe Obubaka obwa Akabonero Akookuna. Era nandizze wano okukayigiriza, mu ngeri y'emu. Olaba? Nze — njagala okuba nga nkola bulijjo ekyo kye nandikoze nga Azze. Simanyiyo kifo kirala kisingako bulungi nga okusisinkanibwa ku mulimu gw'okola, olaba, ku mulimu ogwakuweebwa. N'olw'ekyo ffe tugenda mu maaso tukole okutuusa Iw'Alijja.

Emirundi egimu bwe tusoma obusomi, era, kati, weegendereze nnyo. Era bw'oba osoma, funa entambi, ziwlirize n'obwegendereza. Kubanga, ojja kukifuna ku ntambi, kubanga baziddinnganye okuziwuliriza, era nnungi nnyo ate nnyangu. N'olw'ekyo, ojja kwongera okukitegeerera omwo.

8 Kati, buli omu ayagala Kristo, nsuubira, leero, era buli omu amwagala. Ka mbabuulire, emirundi egimu, ekitabula abantu, omuntu oyo bw'ajja natafunu kitundu kisooka mu kusaba, olaba. Olwo ne bajja ne bakuwulira ng'ojuliza, ng'ozzeeyo emabega, ku kintu ekimu, olwo ne batwala ekyo, ekyogeddwa, ate nga tebaafuna kitundu ekyasooka. Olwo kyonna kiba kibatabula, olaba, bwe kityo. Olwo ne batandika okulowooza nti waliwo ekyayogerwa obulala, so nga kyo — so nga si bwe kiri.

Kale oba olina ekibuuzo ky'otategeera, kiwandiike ku kapapula. Kaleete wano, ekiseera kyonna okuva leero okutuusa ku Iwomukaaga. Era nja kugezaako ku Sande ku makya, oku . . . Bwe kiba nga kikyakutabula, ggwe gamba, "Kale, simanyi kino wano kye kitegeeza. Saakitegeera." Mumanyi kye ntegeeza. Kale ndigezaako okukikuddiramu, ku Sande ku makya, Mukama nga Ayagadde.

9 Kati, leero tujja kusoma nate mu Kigambo kino ekitukuvu eky'edda, mu ssuula eyoomukaaga. Era leero tutandikira ku Kabonero Akookusatu, era olwo lwe lunyiriri olwokutaano, ennyiriri olwokutaano era n'olwomukaaga. Kati olunaku Iw'enkyo tunaamaliriza abavuzi b'embalaasi abana; embalaasi enjeru, n'embalaasi emmyufu, n'embalaasi enzirugavu, n'embalaasi eya kyenvu. Kati njagala okwogera kino. Nti, buli kiseera, n'okutuukira ddala enkyo ya leero, ebikwata ku . . .

Nzuukuka bukyali, ku maliiri ne nsaba nga tewannabaawo kikyukako, nngenda bugenzi mu maaso na kusaba okutuusa obudde lwe bukya.

10 Naye enkyo ya leero, ku maliiri, Omwoyo Omutukuvu Azze we mbadde. Nga yeeyolekedde ddala ng'ekintu kyonna bwe kyandibadde, ne —ne ndabira ddala Akabonero Akookusatu nga kabembulwa, mu butuufu bwennyini. Kati — kati — kati, mmanyi, Ampulira. Era mmwebaza nnyo. Kale, mukijukire bujjukizi nti waliwo ekigenda mu maaso. Ekyo, kye — kye nsuubira nti mukifuna, olaba, olaba, waliwo ekintu ekigenda mu maaso. Njagala olumu okugezesu ekkanisa eno, ndabe oba ddala bayinza okulaba ekintu nga tekinnatuukirira. Kale jjukira, mujjukire kye nabagamba. Era, kati, Mukama Atuyambe.

11 Kati olunyiriri 5.

Bwe yabembula akabonero akookusatu, ne mpulira ekiramu ekyokusatu nga kyogera nti, Jjangu . . . olabe. Ne ndaba, era, laba, embalaasi enzirugavu; n'eyali atuddeko ng'alina ekiga mu mukono gwe.

Ne mpulira ng'eddoboobi wakati w'ebiramu ebina @@nga lyogera nti, Ekiyi ky'enngano kya ddinaali, n'ebiyi bisatu ebya ssayiri bya ddinaali; amafuta n'omwenge . . . tobyonoona.

12 Kale kino ka tukikolere omusingi ku Bubonero bwe tumazeeko. Kubanga, nga bwe kiri mu mirembe gy'ekkanisa, kale, tugezaako okuteekawo omusingi, tusobole okubikwataganya, okutuusa ng'osobola . . . Eyo y'engeri emirembe egoy bwe giri ddala mu Byawandiikibwa, ogumu guyingira mu gunnaagwo, mu ngeri eyo. Kiringa bw'oyambuka amadaala, oba okulinnya eddaala, manyanga; erimu nga likkirira mu linnaalyo, ate nga livaayo mu ngeri eyo nga bw'olinnyalinnya, ng'oyambuka amadaala.

13 Era kati, obubonero buno, e . . . Bwe bu—Ekitabo eky'Obununuizi kisibiddwako. Buli omu ekyo akitegeera? [Ekibiina kiddamu, "Amiina."—Omuk.] Era Ekitabo kino kisibiddwa n'Obubonero Musanvu. Kitabo ekisibeko n'Obubonero omusanvu. Olaba? Era kati jjukira, nga bwe twakiraze mu kifaananyi, ne tukiggya mu Yeremiya n'ebirala byonna. Kale, bo, bwe baalina . . . Baawandiikanga bwe bat, ku kitundu kya—ky'ekiwandiiko, manyanga ku lupapula, oba, manyanga, si lupapula, naye lyabanga ddiba. [Ow'oluganda Branham alaga enzinga n'ensiba y'omuzingo nga yeeyambisa empapula.] Ne balizingako, bwe bat. Kati ekyo . . . Ate era ebbali n'ebbali kyasigalanga bwe kityo; ekyo kiraga ekirimu. N'ekiddirira bwe kityo, kizingibwa mu ngeri y'emu, kizingibwa bwe kityo. Era olwo, ku bbali wano, kiyuzibwako bwe kiti, ekirala ne kisigala. Kale, ekyo kye kyali Ekitabo ekisibiddwa Obubonero Omusanvu.

14 Kale tetubanga na bitabo biringa bino okutuusa luno jjuuzi. Ebitabo okuva edda byalinga mizingo. Byazingibwangako. Awo bwe baabanga baagala okukisomamu oba ekintu ekifaananako . . . ekiringa — oba Bayibuli nzingeko, singa oyagadde okusoma Ekitabo kya Isaaya; wano okiwunzika ku Isaaya, n'okizingulula bw'oti, n'okisoma. Era kino kye Kitabo ekisibiddwako n'Obubonero Omusanvu eky'Obununuizi.

Era kati, tulaba nga Omwana gw'Endiga Avaayo, Atoola Ekitabo mu mukono gw'Oyo Atudde ku Nnamulondo, ng'Abembulula Obubonero, era — n'Abusumulula . . . N'asumulula Ekyo, n'asumululira abantu Obubonero. Ebiramu ebina ebiri awo, bye twalaba mu mirembe gy'ekkanisa, bye bimu ebyo ebiramu ebina, obisanga wonna okumalako Ebyawandiikibwa, era by'ebyo ebikola okulangirira ng'Obubonero buno bubembulwa. Kati, era tulaba nti kye ki Ekitabo eky'Obununuizi.

15 Era twaddayo ne tufuna e — Omununuizi ow'omu Lulyo, ne tumulondoola, okulaba omulimu gwe kye

gwali. Era okumala emyaka gino gyonna, Kristo Abadde Akola omulimu gw'Omununuzi ow'omu Lulyo. Kati, kino abakitegeera, mugambe, nti, "Amiina." [Ekibiina kiddamu, "Amiina."—Omuk.] Abadde akola omulimu gw'Omununuzi ow'omu Lulyo. Naye wajja kubaawo ekiseera omulimu ogw'obununuzi lwe gunaggwa. Era omulimu ogw'obununuzi bwe guliggwa, olwo Ave ku Nnamulondo ya Katonda, w'Atudde kati. Naye eyo si ye Nnamulondo Ye. "Aliwangula ndimuwa okutuula nange mu Ntebe yange, nga nange bwe Nawangula ne ntuula mu Ntebe ya Kitange." Eyo si Nnamulondo ye. Eyo ya Mwoyo, Katonda. Kristo, Omwana gw'Endiga, si yiye. Ye ye Katonda Ayambadde omubiri, olaba; ye Katonda Omu Oyo, Ayambadde omubiri.

16 Kati, Ava ku ntebe . . . Ekisooka, kwali kulangirira, okwo, "Ani ayinza okujja n'atwa- . . . Atwale Ekitabo kino eky'Obununuzi?" Olaba, Kubanga entegeka yonna ey'obununuzi, okuva ku Adamu, byonna Adamu bye yafiriwa. Teri na kimu kyabula okutuuka ku Adamu. N'oluvannyuma lwa Adamu, byonna mu nsi, byabula. Ebintu byonna eby'obutonde ku nsi byabula. Era buli kintu kyagwa ne Adamu, kyasomoka olukonko, ne kiba nga tewali na kimu kisobola kudda, nga tewali kkubo lyonna. Omuntu, bwe yayonoona, yaleka ekkubo lye, n'atalekaawo kkubo limukomyawo.

17 Era olwo e . . . Kati awo ekibuuzo bwe kyajja; Yokaana omubikkizi, oyo . . . nnabbi Yokaana yali mu kwolesebwa era n'akiraba. Era tewaali muntu mu Ggulu, tewaali muntu ku nsi, tewaali muntu wansi w'ensi, era tewaali muntu, asaanidde na kutunula ku Kitabo. Olaba? Kale lowoozako ku ekyo! Awo Omwana gw'Endiga n'Ajja, n'Atoola Ekitabo. Awo Yokaana yasabibwa obutaddayo nate kukaaba. Yagamba, "Laba, Empologoma ya Yuda ewangudde, era — Ayinza okutoola ekitabo n'akibikkula!" Kale yakyuka okulaba Empologoma ate yalaba Mwana gwa Ndiga. Abakadde ne bakooowola . . . ne bagamba, "Empologoma ewangudde," naye bwe yajja n'alaba, gwali Mwana gwa Ndiga nga guva ku Nnamulondo.

18 Kati, ekyo yali takyetegerezanga. Lwaki? Yali azzeeyo eri, mu kukola Kwe okw'omulimu ogw'okutabaganya; kuba Yali Atiriika omusaayi ku lwa bantu, ng'awolereza abantu, okutuusa ku mwoyo ogusembayo ogwatekebwa mu Kitabo ky'Obulamu eky'Omwana gw'Endiga nga n'emisingi gy'ensi teginnabaawo. Bangi nnyo ku bo bagenda kubeerayo eyo, era ky'ekyo. Ky'ekyo. Abalala tebagenda na kwagala kuyingirayo; tebeegomba kuyingira.

Bwe kityo, olwo, omwoyo ogwo ogusembayo nga guyingidde, olwo obudde bw'okununulibwa buliba buweddeko. Olwo Omwana gw'Endiga Ajja okubanja ebibye by'Anunudde, era ekyo bwe butonde bwonna. Ensi na buli kintu bibye. Olaba? Abinunudde n'Omusaayi Gwe. Era bw'Ajja okutwala Ekitabo kino, okukibikkula, kale, abange, baali . . . Yokaana teyaddayo kukaaba. Yatunula, era Omwana gw'Endiga gwali guttiddwa. Gwali guttiddwa, naye nga mulamu nate.

19 Kati tulaba nti Omwana gw'Endiga ogwattibwa gwali gubunye omusaayi, gwonna nga gutiiriika omusaayi. Gwali guttiddwa. Oluvannyuma l'w'okuttibwa, gwazuukira. era gwali gutudde eyo ku Nnamulondo, ka tugambe, emabega eyo mu Nnamulondo, bwe guti, nga guwolereza olw'emyoyo egoy gyonna egirijja. Olwo ng'ogusembayo gutuuse, era nga gutuukiridde, e . . . Katonda Yasigala nga Akyakutte Ekitabo ky'Obununuzi. Olaba? Kati Akola mulimu gw'Obununuzi kati. Okufaanananako, nga Bowaazi bwe yakkirira, ne Luusi nga ali awo atudde alindirira okutuusa Bowaazi . . . Kye nngamba, Bowaazi yakola . . . ow'olulyo, omulimu gw'Obununuzi.

20 Mujjukira ng'ekyo, nakiyigirizaako jjuuzi? Luusi, nga alonderera; era, Luusi, kyonna kye yakola; n'okutuukira ddala, n'ekisembayo yali, Luusi, nga alindirira. Mujjukira nga bwe nakigeraageranya ku Kkanisa? Bowaazi, w'aserengetera okukola omulimu gw'Omununuzi ow'omu lulyo. Yagukola; yaggyako engatto ye n'awa obujulizi, n'anunula Nawomi, era okuyita mu ekyo, n'afuna — n'afuna Luusi.

Kati, bwe kityo, Luusi laba yali alindirira, kubanga yali amaze okukola. Yali amaze okukola ebirala byonna, naye yali alindirira bulindirizi. Kale olwo bwe kiba . . . Ekkanisa ng'erindirira, ewummudde (bangi ku bo, abasinga obungi, abali mu nfuufu y'ensi), nga Akyakola omulimu Gwe ogw'Omununuzi ow'omu Lulyo.

21 Kati ensi ekyeyongera okwonooneka. N'ekibi kyongera kwetuumma, era —n'endwadde, n'emitawaana, n'okufa, n'ennaku. Omusajja atatya Katonda n'omukazi atatya Katonda bafa bazikirira. Kookolo abamazeewo, n'ebirala byonna, nga n'okusobola tebasobola kufuna kukkiriza kumala okukituukako eyo gye kiri okukikwatako.

Weetegereze kati. Naye olwo nga byonna biwedde, ng'Amaze obutaba- . . . Okuwolereza Kwe kuwedde, Avaayo, akwata Ekitabo ng'Akiggya mu mukono gw'Oyo. Kati olwo Yokaana, na buli kimu mu Ggulu, ne batandika . . . Era n'emyoyo egiri wansi w'ekyoto bireekaana ekyo tuddamu nate okukiraba mu Kabonero akoomukaaga, nate. So nga baasanyuka! Ate — era ne bagwa wansi, abakadde, ne bafuka essaala z'abatukuvu. Emyoyo egiri wansi w'ekyoto ne gireekaana, "Osaanidde, kubanga Otununudde ffe okutizza eri Katonda! Era tuddayo ku nsi, okubeera nga bakabaka era bakabona." Oh, waaliwo e . . .

22 Yokaana yagamba, "Buli muntu mu Ggulu, buli kintu wansi w'ensi, na buli kintu," kyamuwlira ng'atendereza Katonda olw'ekyo. Omamyi, Yokaana ateeekwa okuba nga yasangayo erinnya lye Eyo. Ekiseera ekyo!

Olwo n'agamba, "Asaanidde okutwala Ekitabo ky'Obununuzi." Kati, tekikyali kya Mulamuzi nate. Kya Mununuzi, era Akoze omulimu gw'Obununuzi.

Kati Agenda okulaga ekkanisa ky'Akoze. Olaba? Olwo n'Atwala butwazi . . . Naye Ekitabo kibikkiddwa. Tewali yali amanyi, n'akatono. Baamanya nti kyali Kitabo kya Bununuzi, ku kyo eyo, naye nga kya kubikkulwa mu nnaku ezisembayo. Okusinziira ku Okubikkulirwa 10, Malayika Owoomusanvu ajja kuweebwa Obubaka bwakyo. Kubanga, Kigamba, nti, "Mu kiseera ky'eddoboozi ly'omulembe gw'ekkanisa eyoomusanvu, Malayika Owoomusanvu, bw'atandika okufulumya eddoboozi lye, mu kiseera ekyo, ebyama bya Katonda byonna biteekwa okuba nga biwedde." Olwo, nga bimaze okubikkulwa, Malayika Akka okuva mu Ggulu, Oyo ye Yali Kristo. Kati mujjukire, Malayika ono ali ku nsi, Mubaka.

Kristo Akka, omulaba mu Okubikkulirwa essuula ey'e 10; Ateeka ekigere ekimu ku lukalu ate ekirala ku nnyanja; ne musoke ku mutwe Gwe, amaaso nga galinga . . . N'ebigere ng'omuliro, n'ebirala; Ayimusa omukono Gwe, n'Alayira eri Oyo Aba Omulamu emirembe n'emirembe, ku Nnamulondo, nti, "ekiseera kiweddeyo."

23 Era bw'akola ekirayiro kino, ebibwatuka musanvu bita amaloboozi gaabyo Kati omuwandiisi, oyo, Yokaana bwe yalinnyisibwa, yali wa kuwandiika bye yalaba. Yatandika okuwandiika. N'Agamba, "Towandiika." Kubanga . . . "Ekyo tokiwandiika." Si kya . . . Yagamba, "Kisseeko envumbo." Kiki ekirimu? "Kisibeecko. Tokyogera." Olaba, kyakubikkulwa, naye ne mu buwandiike tekiriimu mu Kigambo. Kati olwo bwe yatandika okubembula Obubonero, tukiraba nti, bwonna bwali bubuzaabuza. Olaba? Bwe yabembula Akabonero

Akasooka, yallowooza, "Kati wano Agenda kwogera, 'era kijja kubeera bwe kityo nti Gundu y'alirya obwakabaka; ate omulala akole kino, n'ono akole kiri.'"Naye ekyaliwo, wano afulumye, ku mbalaasi njeru, ng'avuga, ng'agyebagadde. Kale, "Yalina omutego mu mukono gwe; era n'aweebwa engule, oluvannyumako," bwe yagamba. Ky'ekyo kyokka.

24 Kati Omwana gw'Endiga n'Akomawo nate, n'Asikako Akabonero akalala, era wano enzirugavu evaayo . . . Omuvuzi w'embalaa si emmyufu. "Era yalina e . . . Aweereddwa e — ekitala; kati ng'agenda kulwana; era ng'aweereddwa amaanyi mangi, okumalawo emirembe ku nsi, battinngane." Eyo yali ngeri ya . . . Era kisigala kintu kya kyama, (si bwe kyali?), bwe yakibikkula. Era agenda mu maaso, n'agamba, "olunaku olukulembra ebibwatuka bino omusanvu, ebyama bino byonna biba bibikkuddwa."

25 Kati laba. Era olwo tukiraba, nga bwe tuzze tuyiga, nti, okuyita mu mirembe, tubadde n'abaddaabuluzi, si bannabbi. Baddaabuluzi! Era buli mulimu gukola ekyagwo — omulimu gwagwo. Ng'omuntu ali ku — akola ku ssimu, mazima taba mukozi wa masannyalaze. Ayinza okukikolako akatono. Kiringa, singa omuntu abeera asimba ebikondo, kale, abeerera ddala . . . Omuntu bw'aba nga asima binnya bya bikondo, nga takolanga ku mulimu gwa kubitereeza, ebya layini kirungi abiveeko; naye akyayinza okukola akalimu ak'okuddaabiriza oba ekirala.

26 Naye ekintu kyennyini nga kibikkuddwa mu nnaku ezisembayo, oyo asembayo eri ekkanisa, olwo Katonda Yagamba okututumira, nga bwe Kyawandiikibwa. Era tukinoonyerezza ddala kyonna, nti kyalangibwa nti Omwoyo wa Eriya alikomawo mu muntu omu.

Kati, nkakasa nti ekyo kitangaaziddwa bulungi nnyo. Era tu . . . Era ekyo tukirindiridde okubaawo; awantu awamu, omuntu afukiddwako amafuta, mu nnaku ezisembayo, aliyimuka. Kati, muliulira bangi abazoole n'ebirala bwe bityo, naye ekyo kye — kugezaako bugeza oku . . . Oyo ye Setaani, agezaako okuwugula okuva ku kituufu bw'aba akituuseeko, olaba. Naye kirirabikira ddala. Omanyi Eriya kye yali; era kyekkaanye ekyo, kati ggwe — ojja kukimanya. Kati olwo bwa . . . Kati, Abalonde balimanya. Si balala; mazima abo tebalikikola. Balikisubwa, mmayiro bukadde.

27 Nga . . . Ebyo byonna tumaze okubiyitamu, era ne tulaga nga bwe baasubwa Yokaana, nga bwe baasubwa Eriya, nga bwe baasubwa Yesu, nga bwe baabasubwa bonna ebbanga lyonna. Era ekintu kye kimu kye bajja okukola, kubanga Bayibuli egamba nti balikikola. Olaba? Kale olwo, mu kiseera ekyo, kiriba kya bwetooowaze nnyo. Kiriba kinyoomebwa nnyo. Ekyo kiri . . . Kye kiriireetera abantu okugwa ne bakivaako. Kya wansi nnyo gye bali. Tulaba nti, era bulijjo, abantu bwe batandika okugeziwala n'okuyigirizibwa, n'okumanya ebingi ennyo, olwo baba . . . Omanyi ab'ekika ekyo be bakisubwa. Olaba?

Yesu Teyalondako bantu ba ngeri eyo (okuba) abayigirizwa Be. Yalonda batali bayigirize, abavubi, era tewali yalina nkolagana na makanisa gaabwe n'ebirala. Yalonda bulonzi bantu ba bulijjo, abawooza, abalimi n'abavubi n'abafaananako bwe batyo, okukola omulimu Gwe. Olaba? Kubanga, bo — bamanyi nti bo si kintu, Ye Ayinza okubakolamu ekiramu, laba. Kasita bamanya nti tebaliimu kantu, olwo Katonda Ayinza okukola. Naye bwe batandika okulowooza nti baliko kye bamanyi, olwo, "oba tolina ky'omanyi ku ky'oteekwa okumanya," Bayibuli bw'egamba. Kati bwe kityo, olwo, ffe — ekyo tukiraba.

28 Era kati, tuzuula nti, olwo, nti ebyama bino biteekwa okubikkulwa. Kati Iwaki abantu bano abalala: Wesley, Luther, n'abaddaabuluzi bano ab'ekitalo, abaayigiriza okuggyibwako omusango, okutukuzibwa,

Omulembe gwa Pentekoote n'Okubatizibwa kw'Omwoyo Omutukuvu n'ebirala, Iwaki tebaafuna bino — Bubaka buno? Lwaki tebabufuna? Kubanga baali baddaabuluzi. Olaba? Kifaanana nga, kiteeke ku ludda olulala, eriyo abantu abajja wano nga baali “baalina obuyinza nga bakabaka, naye nga tebaali bakabaka.” Olaba? Olaba? Oteekwa okugenderera enjogera ya Bayibuli ku kintu kyonna. Olaba?

Kati wekkaanye. Naye, eno, y'ensonga Iwaki ebisagala byonna, eby'ekitundu eky'ekyama eky'okuggyibwako omusango, ekitundu eky'ekyama eky'okutukuzibwa, ekitundu eky'ekyama ku Kubatizibwa kw'Omwoyo Omutukuvu. Era, kale, ngeri ki eya . . . Kaawa yalya kibala ekiyitibwa apple, oba ekiyitibwa enkomamawanga, oba kirala? Olaba? Ya . . . Ensigo y'omusota kyali ki? Era — Okubatiza kuli mu Linnya lya “Kitaffe, n'Omwana, n'Omwoyo Omutukuvu,” oba mu Linnya lya “Mukama waffe Yesu,” bwe kiri? Era, oh, bikumi na bikumi ku bintu ebyo, ebyalekebwa nga biragaya. Olaba?

29 Awo ku ssaawa envannyuma, omuntu ono alijja okubikkula ebintu bino, olaba, aliggyayo Ebyawandiikibwa. Kirikakasibwa ddala. Laba. Yee, ssebo. Era, kati, tekiriba kya kitalo, ekintu ekinene. Kirabika nga, wano mu Bayibuli, ekyalibadde ekintu ekinene.

Kyali kinene kwenkana wa, Yokaana bwe yali ow'okujja wano abatize! O kirowoozeeko kati. Bannabbi, ab'edda, okuviira ddala eyo, ku Isaaya, Malaki, nebonna abo abaamwogerako, nti Alijja. Era bwe yajja, yali munaku, mukadde, si muyigirize, n'omulevu mu maaso, n'enviiri nga zimulinga ebyoya by'ekiwuka, n'eddiba ly'endiga ekkadde lye yeezingiridde; nga si muyigirize n'akatono, yali tagendangako mu ssomero n'olunaku olumu bwe lutu mu bulamu bwe, nga bwe tumanyi. Olaba? Wano ava mu ddungu, nga ne ku kituuti tebamukkirizaako, n'ayimirira eyo ku mugga Yoludaani n'atandika okuyita abantu okwenenya. Ekyo osobola okukifumiitirizaako!

30 Bayibuli egamba, nti, “Buli kintu kiriba kikulu nnyo mu nnaku ezo, n'okutuusa nti n'ebifo byonna ebigulumivu biriseetezebwa, era ebifo byonna ebya wansi birigulumizibwa.” Yee ssebo. “Ebifo byonna eby'ebisirikko biriseetezebwa.” Kale, muli nkuba ekifaananyi nga mbalaba, balowooza nti Yokaana alirabika, oba omuntu ono ow'ekitalo akulembera Kristo, afuule eddungu lyonna ekifo ekiweweetu, era lyonna alibunye omuddo nate. Olaba?

Oh, bo, ndowooza ekintu kyonna baali bakinnyonyodde, nga bwe bakola ennaku zino. Naye, kyali kya wansi nnyo, era n'abatume baakisubwa. Baabuuza, “Kale, Iwaki Ebyawandiikibwa bigamba, singa e . . . Kaakati oyambuka okuweebwayo? Lwaki Ebyawandiikibwa bigamba nti — nti Eriya atekwa okusooka okujja?”

Yagamba, “Yajja dda, naye temwakimanya.” Era, Omwana w'omuntu, balimukola kye kimu. Naye, Yokaana, yagamba, “yakola ekyo ekyamuwandiikirwa. Era baamukola ekyo kye baateekwa okukola.” Era, n'agamba, “kale Omwana w'omuntu atekwa okubonaabona.”

Kubanga, tewaaliwo, ndowooza, na kimu-ky-a-kusatu eky'Abayudaaya bona ekyamanyaako nti Yesu Kristo Ali ku nsi. Tebaa- . . . Oba oli awo baawulira ku muzoole eyo awantu, naye tebaakifaako nnyo, beeyisa nga bulijo. “Yajja mu Babe, ababe ne batamusembeza.”

31 Kati, awo we nzikiririza nti ne . . . Kati, tekyagamba nti Alijja mu kyama. Naye Okukwakkulibwa kuliba kwa kyama. Kale oba kyali mu kyama bwe Yajja, tekirisingawo Okukwakkulibwa obutamanyika! Olaba? Tebajja kukimanya. Bwe batyo baligamba, “Kale, ndowooza twandibadde n'Okukwakkulibwa. Kati ebibonyoobonyo bino byonna ku nsi bya ki?”

Alibaddamu, “Kwabaawo dda, naye temwakimanya.” Olaba?

Bwe kiriba, ng'omubbi bw'ajja ekiro. Nga e — ekitabo kye nnasoma, olumu. Kiyitibwa kitya? Romeo and Juliet, kyali kiyitibwa bwe kityo, oba bulala? Yajja, n'asimba eddaala ku nnyumba awantu. N'erab- . . . Kiseera kya dda nnyo. n'ajja, n'afuna . . . Okumufulumya ebweru ekiro.

32 Kati, eyo y'engeri gye kiri — gye kiribeeramu, kiriba kiwedde. Tekiriba nti balitura ebbiina lya Bamalayika, n'ebitiiyo, okuziikula entaana. Bayibuli egamba nti, “Tulikyusibwa, nga kutemya kikowe.” Kutemya butemya, kiriba kiwedde, mu bwangu bwe butyo.

Oligamba, “Gundi yabuze.” Kale, ndowooza singa tunoonyereza mu nsi yonna, olwaleero, nga waliwo abantu bitaano ababula ku nsi buli lunaku, olaba, teri kye bakimanyaako. Babulawo, bubuzi. Kale, tebajja kuba bangi nnyo abaligenda mu kukwakkulibwa okwo.

33 Kati, saagala kubatiisa, era nze — era nze — nze — sirowooza nti kiri bwe kityo, naye njagala kubategeesa kye Yagamba. Era ggwe kennyni, okimanyi. “Nga bwe kyali mu nnaku za Nuuwa, amazzi mwe gaawonyeza emmeeme omunaana. Emmeeme munaana mu nsi yonna, ezaalokolwa amazzi.”

Kale, oyinza okugamba, “Oh, abange! Tekinneetaagisa kugezaako.” Ekyo kiraga nti tolina kukkiriza kwe weetaaga. Oba ng'egenda kuberayo — eribeerayo omu, oyo aliba nze, amiina, kubanga nzikiriza. Olaba? Eyo y'engeri gy'oteekwa okukikkiriza, olaba, “Aliba nze.” Mazima. Njagala ntambulire kumpi nnyo

naye, nsobole okumanya nti Ajja kuntwala bw'Alijja. Nkikkiriza. Ky'ekyo. Olwo bwe kiba . . . Oba buli omu alikisubwa, nze ndibeerayo, olw'ekisa Kye. Kubanga, ekyo Yakinsuubiza, era mmanyi nti ndiba — ndibeerayo, kubanga Tayinza kulimba. Era mmanyi omwoyo gwange n'obulamu bwange bukakasa, era ngezaako bulijjo okweyisa ng'Alinga Ajja, kale nja — nja kubbeera oyo. Eyo y'enegeri gy'oteekwa okwewuliramu, "Oba eribaayo munaana, ndiba omu ku munaana ogwo; oba eribaayo ebikumi bitaano, ndiba omu ku bikumi ebyo ebitaano. Oli omulala nze tankwatako, naye nze nja kubbeera omu ku bikumi ebyo ebitaano." Olaba?

Eyo y'enegeri gye wandikijjukiddengamu. Olaba? Bw'otokijjukira bw'otyo, waliwo ekintu ekikyamu mu kukkiriza kwo. Olaba? Olwo, oba tokakasa nti walokoka. Oba okiteebereza buteebereza. Ekyo tokikola. Ky'ekyo.

34 Tetuuyingire mu Kabonero ako, si wo? Kale. Njagala, buli lunaku . . . Simanyi oba mukitwala bubi okubamalira ebiseera. Tuyinza okufuluma nga bukyali. Teri kiyitiridde ku . . .

Mu kubikkulwa kw'Obubonero buno, okw'Obubonero buno, jjukira, kiri ddala olunyiriri lumu. Olusooka, lwe lulaga okulangirira kwako, olunyiriri olwokubiri. Endala zonna kunnyonnyola, n'ebirala, ebisomwa, oba — oba okusoma ebirowoozo byabwe, era mbadde — era bulijjo nakkirizanga kumpi nga bona bwe bakkiriza, nti omuvizi w'embalaasi oyo eyasooka ye yali — ye yali ekkanisa eyasooka. Naye Omwoyo Omutukuvu bwe Yakibikkula, mu buli ngeri kyali kikontana n'ekyo. Era kati olwo, kye kikola, kiraga bulazi ki kye kiri. Era awo ngezaako . . .

35 Kaakati, kino, kitukuvu nnyo gye ndi. Eyo y'ensonga Iwaki nandyagadde okuddamu ebibuuzo bino. Era buli omu, asobole okubiwliriza obutereevu, ku ntambi, nabo, babitegeere kati. Olaba? Nagezezzaako okumala akabanga nga njogera, leero, nga nteekawo omusingi, okuleetera abantu . . . Banguwako ne beepakiramu, ate nga, ekyo si bwe kyandibadde. Olaba? Naye bwe kibaawo, kya buntu. Ate nga muno mwokya — munda muno, ate nga mmwe — temwegazaanya. Naye, mubadde balungi nnyo. Kasookedde ndaba bantu beeyisa bulungi, mu tabernacle, luno lwe lukunngaana; abantu mwe batuulidde akasirise, abazadde abakazi nga batwala abaana baabwe gye bazannyira nga batandise okukaaba. Era na buli kintu kibadde kirungi nnyo ddala

36 Naye nngenda nkitemera empangi okutuusa lwe mpulira okufukibwako amafuta g'Omwoyo, okwogera ebigambo bino, okwogera ekyo ekimbikkuliddwa. Era olwo, bwe mbaako ekyo we nnikola, bwe mba nkoze ensobi wano, ddala wano mu maaso ga bantu bona, Ajja kugingololera. Nze — Nkyagala. Kiri — kiri . . . njagala kibe kituufu. Tewali nsongwa Iwaki otwala ekyo ky'ofumiitiriza obufumiitiriza. Nga waliwo ekintu kituufu, era —ekyo kye twagala. Twagala Katonda Atuwe ekyo ekituufu.

37 Kale kaakati, twayiga ku bavuzi bano, nga bwe bajja. Embalaasi esooka, kati, ne tukiraba nti ye yali e — omulabe wa Kristo eyafuluma. Era olwo twakiraba, jjo, nti omuntu oyo y'omu eyafuluma ng'omulabe wa Kristo, ku mbalaasi enjeru, twamusanz n'ekitala, eggulo, ng'avuga, era ng'atta abantu.

Kati, kati, bulijjo wabaawo eky'omubiri n'eky'omwoyo, era olw'obulungi bw'Ekklesia, njagala okulaga mu kugeraageranya, nga tunaatera okuyingira mu kubikkulwa kw'Akabonero kano. Ekyo, kye Yampadde, kyonna nkiwandiise wano. Wano ninawo Ebyawandiikibwa ebiwerako, empapula musanvu oba munaana ku kyo, era nga bwe nkijuliza. Weetegereze, njagala okulaga ekifaananyi, eky'ekkanisa, era nkitangaalize ddala musobole okukiraba. Olaba?

38 Kati, waaliwo omugole ow'omubiri mu Lusuku Adeni. Mujjukira eggulo? Omugole oyo ow'omubiri, yali kabiite wa Adamu, nga tannaba kufuuka mukyala we, kubanga yali tannamumanya nga mukazi we. Mu ngeri y'emu nga Malyamu bwe yali muka Yusufu, naye nga tannamumanya. "Yasangibwa ng'ali lubuto." Olaba? Kati, Adamu nga tannamanya mukazi we, yali mugole bugole gy'ali. Kale. Era tukiraba nti Katonda . . . Omukazi, yagwira mu Lusuku Adeni kubanga yalemwa okwekwata ku Kigambo kya Katonda.

39 Kati, yamanya nti Setaani alyetaaya mu bo, n'olw'ekyo Yabawa e — ekifo eky'okubeeramu; okubakuma. Kale, eyo, ani yali amanyi obulungi ekifo eky'obukuumi, okusinga Katonda, bw'Aba nga Ayagala okulabirira abaana Be? Nga njagadde okukuma ka Joseph kange, kale, ow'oluganda, buli kimu . . . Era nga mmanyi nti obulamu bwe kwe bwesigamye, kale, nandi- . . . Era nga nsobola okukikola. Kale, amaanyi, aga ffuuti amakumi ana ez'enkokoto, nga — ge gandyetaagisizza okukikola, ekyo ki . . . era nandizimbye ffuuti kyenda, ekyo okukikakasa.

Era oba nnyinza okulowooza bwe kityo ku mutabani wange, (gwe ndowooza nti singa obulamu bwe buno obufa, buba buweddeye omwana aba asobola okuwonyezebwa,) tekisingawo nnyo, eri Katonda, eri Omwana We obutabula olubeerera! Kiki ky'Amukuumisa? Amukuumisa Kigambo Kye. Kasita obeera mu Kigambo ekyo, oba oteredde. "Bwe mubeera mu Nze, n'Ekgambo Kyange ne kibeera mu mmwe, kale musabe kyonna kye mwagala." Ky'ekyo, Ekgambo.

40 Bw'atyo, Kaawa yatandika okutayaaya mu Lusuku, n'asanga ogusota, omuntu ow'enegeri ey'abayivu nnyo. Olwo ye . . . Ate ono n'atandika . . . Kati, yali ali ku ludda luli. Katonda Abeera, Atuula, era Akolera

mu bukkakkamu, takolera mu kkubo ddala lyonna. Olaba? Kati, bambi, omukyala omwetooowaze nga atambulatambula eyo, olwo Setaani n'ajja ng'omuntu ow'engeri ey'abayivu nnyo, omugezi, omulabufu. N'ayagala okumuguza enteekateeka. Kasita kiba nti . . . Si nsonga bbanga ki Setaani lye yali nabo; nga bakyakuumiddwa Ekigambo kino, omukazi yali bulungi. [Ow'oluganda Branham akubaakuba ku Bayibuli ye —Omuk.] Olaba? N'olw'ekyo, ka Setaani akole kyonna ky'ayagala okukola, ggwe sigala na Kigambo. Tekirinaawo njawulo gye kikola. Bw'agamba, "Kale, oli mulwadde."

"Olw'emiggo Gye nawonyezebwa."

"Kale, ogenda kufa."

"Alinzuukiza nate. Yakisuubiza."

41 Olaba, Kale sigala busigazi mu Kigambo. Kye kyokka. Kristo yennyini yeekeumiranga mu Kigambo. "Kyawandiikibwa." Olaba? Kati, sigala mu Kigambo. Naye, Kaawa, yatandika okukireka, wabula kyonna nga takirekedde ddala. Yasuulako busuuzi kanyiriri katono kati. Ekyo kyokka Setaani kye yali ayagala akole. Yamuggya ku kwesiga ekisuubizo kya Katonda, ng'akikubaganyaako ebirowoozo. Togezangako kutetenkanya Kigambo kya Katonda. Kikkirize bukkiriza! Olaba? Kale, yafulumayo. Olwo Adamu nga tannamumanya, nga mukazi we, Setaani yali amaze okumwonoona. Kati na . . .

Kati wali weetegereza? Kristo Yakola ekintu kye kimu. Mazima ddala. Kati, olw'okununula, Katonda ye Yali Alina okusooka okubeerayo. Wali weetegereza? Malyamu, nga tannagenda eri Yusufu, Omwoyo Omutukuvu Yali Amaze okutuukayo. Amiina. Olaba? Bw'atylo Omununuzi bwe Yajja.

42 Kale, kati weetegereze, omukazi ow'omubiri yagwa, era Katonda Yamukolerawo ekkubo asobole okununulibwa. Newankubadde yali amaze okugwa, Yakolawo ekkubo. Kati, oyo ye yali omugole eyasooka ku nsi, yagwa, ye ne bba nga tebannafumbiriganwa. Yagwa, Iwa — olw'ensonga eya — ey'okukubaganya ebirowoozo, mu kifo ky'okugumira ku Kigambo. Omukazi yagwa. Era yagwira ddala n'afa, okwawukana okw'olubeerera. Wamu naye, yatwala Bba n'ebirala byonna ebyali ku nsi. Yagwa!

43 Kati, naye, Katonda, nga bw'Ajjudde ekisa, Yakolawo ekkubo ly'okununula omukazi oyo. Era kati Yamusuubiza, ng'Amugamba nti olumu, mu biseera ebiri eyo mu maaso, Ekigambo eky'amazima omukazi kirimujjira nate. Ekigambo eky'amazima kirimanyisibwa gy'ali (omukazi). Kaakati ekyo kijjukire. Kubanga, Yasuubiza Kristo, kuyita mu mukazi. Era Kristo kye Kigambo.

Omutukuvu Yokaana 1, "Ku lubereberye waaliwo Kigambo, Kigambo n'aba awali Katonda, Kigambo n'aba Katonda. Kigambo n'afuuka omubiri," olaba, "n'abeerako gye tuli." Katonda Yabeerako gye tuli mu mubiri. Ye yali Kigambo. Nga tewannabaawo Kigambo, wasooka kubaawo kirowoozo. Olwo ekirowoozo kyalina okutondebwa. Kale. Bwe kityo, ebirowoozo bya Katonda byafuuka obutonde nga byogeddwa, n'Ekigambo. Eyo y'engeri gy'Akikulagamu eri — gy'oli ng'ekirowooza, ekirowoozo kye, era ne kikubikkulirwa. Olwo, kiba kikyali kirowoozo okutuusa lw'okyogera.

44 Eyo y'ensonga . . . Musa yagenda okusaba. Empagi eyo ey'Omuliyo bwe yamwetooloola, era n'Agamba, "Genda, ogolole omuggo gwo ogusonge ebuvanjuba, era ogambe, mpita 'ensowera." Tewaaliwo nsowera. Naye yagenda n'akwata omuggo, n'agamba, "Wabeeeo ensowera." Awo waali tewannaba nsowera, yonna. N'addayo, naye Ekigambo, ekirowoozo kya Katonda, kyali kimaze okwogerwa. Kye Kigambo, kaakati kiteekwa okutuukirira.

45 Kati tolaba Yesu we Yagamba? "Bwe muligamba olusozi luno; si nti bwe nngamba olusozi. Naye "Bwe muligamba olusozi luno,

Nsuubira, kati ekisooka, mu kiseera kya Musa, agasowera aganene aga kiragala gaatandika okuvuuuvuma. Era, mu kiseera kitono nga geetumye laatiri ttaano buli yaadi. Olaba? Gaava wa? Ye . . . Katonda ye Yagatonda. Tolaba engeri . . . Katonda Ayinza okuzikiriza ensi eno leero, ne — n'ebiwuka, nga Ayagadde okukikola.

Kubanga, Ayinza okutuuma ebiwuka okutuuka ku mwezi. Ekintu kimu ky'Akola, kwogera bwogez, "Wabeeeo ebiwuka okutuuka ku mwezi." Ky'ekyo kyokka ekibireeta. Si ddagala oba ekirala kyonna, bigenda bugenzi mu maaso nga byeyongera, byeyongera, byeyongera. Olaba?

46 Ayinza okukola ekyo ky'Ayagala okukola. Ye, ye Katonda, Omutonzi. Ekintu kimu kyokka ky'Akola kwe kukyogera.[Ow'oluganda Branham akuba entoli omulundi gumu — Omuk.] Ky'ekyo. Ye ye Mutonzi. Kati, singa tutegeera obukulu Bwe! Olaba? Akola kyonna ky'Ayagala okukola Atuula eyo waggulu n'atunula ku bantu, kati bakitawe bano abayivu, abefuula abagezi, mbu, "Tewali Katonda," ne—na buli kintu. Huh! Kubanga, kiri nga ddala bwe kyali e Baberi, nate. Manyanga, Baberi.

Kati tulaba nti Katonda Yagamba Kaawa, nti, "Ebiro bwe biridda, Ekigambo kirikomawo gy'oli." Kati, yagwa atya? Njagala abayizi bange banziremu. Yagwa kuva mu ki? Kiki Kaawa kye yaleka? Kigambo. Ekyo bwe kiri? [Ekibiina kiddamu, "Kigambo." — Omuk.] Ekigambo. Era Katonda Yagamba nti Alitemawo ekkubo

okumununula okumuzza nate ku Kigambo. Kale. Oluvannyuma Iw'ebbangga eddene Ekigambo kirimanyisibwa gy'ali (omukazi). Kale. Ekigambo olwo kirijja Iwa nsonga emu yokka. Kaakati.

47 wenyeweze, ku kye njogera. Ekigambo kirijja gy'ali Iwa nsonga emu, eyo kwali kununula. Bwe kiri. Naye, okutuusa —okutuusa ku olwo, yalinawo ekintu ekirala ekyo ekya —endikoze okutuuka ekiseera eky'Ekigambo nnakabala lwe kyandituuse. Kati mmwe — mukitegeera bulungi? [Ekibiina, "Amiina."] Olaba?

Yamugamba nti Ekigambo kirimujjira nate, naye, okutuuka mu kiseera ekyo, Yamuteerawo ekintu ekirala okutuusa ekiseera ekyo lwe kyatuuka. N'olw'ekyo, Yamuteerawo ekiweebwayo, ekikola mu kifo ky'omusaayi ogwo. Kati, omusaayi gwali gwa nte nnume n'endiga, embuzi n'ebirala; naye tegwaggyawo kibi kye. Olaba? Gwabikka bubissi ku kibi kye. Tegwakiggyaawo, n'akatono. Gwakibikkako bubissi. Kubanga, gwali musaayi gwa nsolo, era mu musaayi gw'ensolo mwe mubeera obulamu bw'ensolo. Kyali kifaananyi okutuuka guli gwennyini . . . Kaakati muzuukuke. Omusaayi, ogw'omuntu gwennyini, ng'omuntu bwe yandibadde, mweyatuuula (Katonda); Si mu kutabagana kwa musajja na mukazi, embeerera, gwayita mu kuzaalibwa mbeerera.

48 Kati Ekigambo kya Katonda, ekyasuubizibwa, kyafuuka Omusaayi, ne kibeera Omubiri ogw'omuntu Yesu Kristo Omulokozi. "Omusaayi gw'ente ennume n'embuzi n'ebirala . . ." Naye kati lindako. Wano Katonda Yawa ekisuubizo, n'Agamba nti gulibaawo Ekyo we kirijjira. Ezzadde lye (omukazi) libetente omutwe gw'essota. Kale singa ezzadde lye, liyita mu Adamu oba nga bwe kyali okuyita mu musota n'ebirala, kale lyandisigaddenga lyonoonyi.

Eyo ye nsonga Iwaki Yokaana yakaaba. Tewaali muntu n'omu, kubanga teri muntu . . . Buli omu yali ku ludda luli, oludda olw'olukonko, olunnya. Naye ekiseera kijja ekirala kino eky'omusaayi gw'ensolo kiveewo ng'omusaayi gwennyini ogw'omubiri gwa Katonda guzze: Katonda, Afuuse omubiri n'omusaayi. Bayibuli egamba nti Ye Yali. 1 Timoseewo 3:16, "Era awatali kubuusabuusa, ekyama ky'okutya Katonda kye kikulu, Katonda yalabisibwa mu mubiri." Ekyo bwe kiri. Okuzaala kw'embeerera kino kwe kwakikola.

49 Kati, omusaayi gw'endiga n'embuzi gwabikka ku kibi, naye tegwakiggyaawo, kubanga gwali musaayi gwa nsolo. Kyandibadde kirungi, gwali kintu ekikola mu kifo ky'ekirala. Era ddala ekintu ekyo — baakimanyiira, kale ne bagenda nakyo mu maaso. Kati, ekisuubizo ekyo, ekyannamaddala, Ekigambo bw ekyalabisibwa mu Yesu Kristo, eyakakasa nga ye Mwana wa Katonda ow'ekitalo Omuronzi, Katonda; era ne Yeeraga, Yennyini, nga kye Kigambo ekiramu ekya Katonda. Whew! Abange! Yakikakasa nti Ye Yali. Yayogera ebintu ne bibaawo.

Teriiyo muntu yenna, ova — ova ekintu kyonna mu nsi ekiyinza ekyo okukikola. Teriiyo kintu mu nsi kiyinza kutonda, okuggyako Katonda. Setaani tayinza kutonda. Ye mwonoonyi w'ekyo ekimaze okutondebwa, naye tasobola kutonda. Ekibi bwe butuukirivu obwonooneddwa. Mutegeera kye nngamba. Okulimba kye ki? Ge mazima agooggeddwa okubuzaabuza. Obwenzi kye ki? Kye kikolwa ekituufu naye nga kikyamiziddwa. Buli kintu mu kibi, ekibi ge mazima nga gakyamiziddwa.

50 Kati, yali tasobola kutonda Naye Kristo bwe Yajja, Yakakasa nga ye yali Omuntonzi. Awo we waali Omusaayi ogwali gusuubiziddwa. Kale ova oyagala ekyo okukisoma, ggwe . . . ka tuddeyo katono. Mu ngeri emu ova endala, tuja kikitwalako akaseera leero. Nze . . . Kinneesiwaza. Mumanyi, Ndowooza buli omu ayagala okuddayo eka. Kale kati kiri . . . [Ekibiina kigamba, "Nedda." —Omuk.] Kati ka tugende mu Ebikolwa by'abatume 2. Weebale nnyo. Kati tuja . . . Ebikolwa by'Abatume 2, era tuja kulaba ova kino kituufu ova nedda-oba Yakakasibwa nti Yali Katonda. Ebikolwa by'Abatume 2, kale. Ka tugende ku lunyiriri olwa 22, Peetero nga ayogera, ku lunaku Iwa Pentekoote.

Abasajja Abaisiraeri, muwulire ebigambo bino; Yesu Omunazaleesi, omuntu eyabalagibwa Katonda n'ebiyamagero . . . ebyewuunyo n'Obubonero, Katonda bye yamukozanga wakati mu mmwe, nga mmwe- . . . o- . . . mwe bennyini nga bwe mumanyi:

51 "Omuntu eyakakasibwa, nti yali Katonda mu mmwe. "Olw'ebyo byennyini bye Yakola, ng'akakasa nti Yali. Wano Peetero, ng'ayimiridde mu teyatero ababuulira. Nikodemus naye ekyo yakimanya. Yagamba, "Labbi, ffenna tukimanyi nti oli muyigiriza ava eri Katonda, kubanga teri muntu n'omu ayinza kukola bintu bino okuggyako ng'ava eri Katonda." Olaba? Baakimanya. Naye Iwaki?

52 Kati wekkaanye. Kati, Kaawa yali kino akisuubiziddwa. Naye bwe . . . Omugole oyo bwe yajja, era n'agaana, Ekigambo kyennyini bwe kyajja gy'ali. Kale, Omukazi yalemwa okumutegeera; Omugole Omwebbulaniya. Kubanga yali Mugole wa — owa Katonda; Yamugoba, ne bagattululwa. Ekyo bwe kiri? Yali Mugole wa Katonda.

Ogamba, "Kale, baali tebannaba na kufumbiriganwa." Ky'ekyo. Naye Yusufu yali agenda kugoba Malyamu nga tebannaba . . . Yali agenda kumugoba nga tebannafumbiriganwa. Olaba? Yali amwogereza.

Kati bwe Yajja, n'Ekigambo kye kye Yasuubiza, ne kijja ku mbaga, yamusanga yeezingiridde ekiwaanyiseemu mu ngeri embi ennyo, nga tayinza na kutwala kisuubizo kyennyini ekyaweebwa kye Kigambo, Kristo.

53 Oba oli awo temukifuna. Ka nkiddemu nate. Njagala kino mukitegeere, olaba Ye (omukazi) yali asuubiziddwa, (Omugole, Kaawa), okuba omununuzi. Omununuzi ye yali agenda okuba Ekigambo. Ekigambo bwe Kyajja, mu mubiri, yakigaana. Yaweebwa bintu birala mu kifo kyakyo. Kati ekyo mukikwate, "ekintu ekikolamu mu kifo ky'ekirala." yaweebwa ebiwaanyiseemu okugenda mu maaso, okutuusa Omununuzi Iwe yajja. Era ng'omununuzi azze yayagala kugenda mu maaso n'ebintu ebirala n'agaana Ekigambo eky'amazima. Okiraba? [Ekibiina kiddamu, "Amiina." — Omuk.] Oyo ye yali Omugole Omwebbulaniya. Kale era bw'Atyo bwe Yakola, ku Kaawa owookubiri, Omugole, nnyina w'ebiramu byonna oby'omwoyo. Olaba? Kaawa kitegeeza "nnyina wa byonna," ebyo eby'omwo- ... "byonna ebiramu." Kaawa, "nnyina w'ebiramu byonna."

54 Kati, era bwe Yajja eri Omugole Omwebbulaniya, yali nnyina w'ebiramu byonna, naye yakigaana.

Kaawa ow'omubiri yagwa, mu Lusuku Adeni, olw'okuwuliriza amagezi ga Setaani agawakanya Ekigambo kya Katonda. Eyo y'engeri gye yagwamu. Kale, ssebo. Yagwa kubanga yakola ekyo. Kaawa ow'omwoyo, kati, eyo y'Ekkanisa, Omugole wa Kristo. Yagwa, naye si mu Adeni, wabula mu Rooma, mulaba, mu Lukiiko Iw'e Nikyeya, bwe yaagana. Ekkanisa ya Pentekoote eyo eyagenda e Nikyeya, neewuliriza okukubaganya ebirowoozo okwa Rooma, mu kifo ky'okwekwata ku Kigambo, yagwa. Na buli kintu kyonna kyamuvaako, yafa n'ebibye, byonna.

55 Kati, nga Kaawa ow'omubiri bwe yagwa, Kaawa ow'omwoyo naye yagwa. Omugole wa Katonda yagwa — yagwira mu Lusuku; Omugole wa Kristo yagwira Rooma. Olaba? Weetegereze, mu kukubaganya ebirowoozo okwo kwe kumu, okuwakanya Ekigambo kya Katonda, yafiiwa eddembe lye erimuwa amaanyi, olwa Setaani.

Ebyo, bye tusanga mu kubembula kw'Obubonero buno, nti oyo yali Setaani, era akyali Setaani. Bayibuli egamba nti ky'ekitebe kyennyini ekya Setaani.

Era nga Kaawa bwe yafiiwa — obulongoofu bwe, n'abuwaayo eri Setaani mu Lusuku Adeni, Ekkanisa, Omugole wa Kristo yakola ekintu kye kimu e Rooma bwe baava ku Bayibuli ne banyweza amateeka n'endowooza zaabwe.

Mulaba ekifaananyi ekyo? [Ekibiina kiddamu, "Amiina." — Omuk.] Bwogeraageranya ebifaananyi ebyo, oteekwa okuggyamu ekituufu. Emikono gyange bwe giba gifaanana nga . . . Oba seerabangako, ne ndaba ekisiikirize kyange nga kitambula, nandimanye bwe nfaanana. Olaba? Era, bwe kityo bwe kiba. Bw'oba oyagala okumanya ekyo ekijja, tunuulira ekyo ekyaliwo." Kubanga e . . . ebintu byonna eby'edda byali bisiikirize by'ebyo ebirija," Bayibuli bw'etyo bw'egamba.

Kale. Kubanga, yafiiwa Ekigambo kye eky'obulongoofu, Ekigambo kya Katonda, bwe yatunda Bayibuli, n'assaawo omuntu agamba nti ekkanisa erina obuyinza okukyusa ekintu kyonna kye baagala okukyusa. era bakikoze. Omugole wa Kristo, Omugole wa Pentekoote, yatunda obulongoofu bwe, e Nikyeya, mu ngeri y'emu nga Kaawa bwe yatunda obulongoofu bwe eri Setaani mu Lusuku Adeni. Kye kimu ddala. Kale.

56 Katonda Asuubizza; ekkanisa eno, ekkanisa ya Pentekoote eno, ng'amanyi nti erikikola; nga bwe yakola ku Kaawa, Katonda Asuubizza. Ekkanisa ya Pentekoote, Mukkiriza nti obusika bwayo yali yabutunda dda, nga . . . obulongoofu bwayo, bwe yafuluma? Mukikkiriza ekyo? [Ekibiina kiddamu, "Amiina." — Omuk.] Bw'atyo, ddala, yakikola. Kati olwo ebikwate bigasa ki, ebiteesigamye ku Bayibuli eno?

Njagala omuntu ayinza okuzuula ekiytibwa Enzikiriza y'Abatume, oba ekigambo ekigikwatako ekiri mu Bayibuli. Eyo y'enzikiriza y'Abakatoliki, so si nzikiriza y'Abatume Soma Ebikolwa by'Abatume 2:38, eyo y'Enzikiriza y'Abatume, bw'Aba Yandibadde nayo. Ddala. Olaba? Kati, mu buli ngeri, eyo gye baakozesanga ebbanga lyonna. N'ow'ekyo singa mmwe . . . Olaba?

57 Kale, baatunda eddembe lyabwe. Si ekyo kyokka, Abamethodist, Ababaptist, Abapresbyterian, Abapentekoote, n'abasigaddewo bona, bakoze kye kimu. Yagunjawo ekibiina ky'eddiini. Rooma, ye yakimukozesa, yakolawo ekibiina ky'eddiini n'assaawo omuntu akikulira era n'Abamethodist, Ababaptist, Abapentekoote na buli omu, bakoze ekintu kye kimu, bataddewo ekibiina ky'abantu okukikulira.

Si nsonga Katonda kiki ky'Agamba, bo . . . Oteekwa kukikola nga bo bwe balagira kikolebwe. Kale, ekyo kye ki? Si kirala mu nsi wabula obwamalaaya obw'omwoyo, kifaananyi kya mukazi omugwenyufu; yee, ssebo, ebikwate, ebikwate eby'obulimba, ebyakolebwa abantu. Olwo afuuka, bw'amala okukikola . . . kati kino nja kukikakasa. Afuuka malaaya, eri Katonda. Okkiriza nti Bayibuli bw'etyo bw'egamba? Yee, ssebo. Ne bawala be bakoze kye kimu.

58 Kati mu Okubikkulirwa 17, ekyo bwe muba mwagala okukiwandiika. Yokaana yatwalibwa mu Mwoyo, "n'alaba omukazi omwenzi ow'ekitalo ng'atudde ku . . . Twakisomyeko eggulo. Era awo we waali ensozi omusanvu, ekyo kyennyini kye yakola. era yawa ensi obwenzi bwe obwennyamiza. Ekyo si bwe kiri? Era bakabaka b'ensi bona benze naye," nga bakuusakuusa,nga babba, era nga balimba, n'okusasulira

okwenenya, wamu —wamu ne zinoovenya na buli kimu.

Kale, kati jjukira, yalina bawala be. Kale, oba yafuuka omubiri, wansi w'enkola ey'ekibiina, olwo enkola yonna eba nkyamu. Era oba Kaawa, yajeemera Katonda, ebintu byonna bye yali afuga, n'abitwala byonna mu kufa; na buli kkanisa efuuka ekibiina, buli kimu ky'efuga, ekitwala mu kufa. Bwe kityo bwe kiri ddala. Kyonna mu bulamba kizikiridde. Bwe kityo bwe kiri okusinziira ku Kigambo wano.

59 Soma Okubikkulirwa 17. Era Bayibuli egamba nti "ye n'abaana be bona, Alibookya n'omuliro." Bwe kiri. Ekyo kitegeeza, buli nkola ya madiini eryokebwa, wamu n'omwenzi. Kati, ekyo kiwulikika bubi, naye nze — mmayi nti mulikiwlira, era — njagala okukiwlira. Era nze — nze . . . Kubanga, ekyo bwe kiri. Bayibuli ekyogera bw'etyo, n'olw'ekyo ekyo kikifuula ekituufu.

Yafuuka "omwenzi. Oyinza okukisoma mu Okubikkulirwa, essuula ey'e 17. Ye, yakola ki? Yagwa mu bwenzi, okuva ku bba. "Kale," ogamba, "nedda, eyo ye Bayibuli." Ekigambo ye Katonda. Bw'oggyako ekimu . . . Wandyagadde mukazi wo okunywegera (kissing) omusaja omulala? Ekyo bw'aba takikolanga, tewandyagadde akikole. Aba ayolesa obutali bwesimbu bwe "Buli aliggyako ekigambo ekimu, oba alyongerako ekimu ku byo." Aleruuya!

60 Kristo Ayagala mukazi We abe mutuukirivu mu Kigambo [Ow'oluganda Branham akonkona ku kituuti emirundi ena Omuk.] Eyo y'engeri gy'alina okubeeramu. Kubanga, tewali kintu, n'akatonnyeze akamu, oba ennukuta emu, oba ekintu kyonna, ekiritoowlwa ku tteeka eryo, okuva mu Kitabo ekyo, okutuusa nga byonna bituukiridde. Yesu Yagamba, "Eggulu n'ensi biriggwaawo, naye Ekigambo kyange tekiriggwaawo." Tokissaako kuvvuunula kukwo. Ayagala ekyo ekituukiridde, ekitasaabuluddwa, newankubadde okukisaagirako. Sandyagadde mukyala wange asaage na musajja mulala, era bw'otandika okuwuliriza ekintu kyonna eky'okukubaganya ebirowoozo, okusukka ku ekyo, oba owuliriza, oba ozannya na Setaani. Amiina! Ekyo tekikuleetera kuwulira bulungi? [Ekibiina kiddamu, "Amiina." — Omuk.] Katonda Ayagala osigale nga toyoonooneedwa. Beerera ddala ku Kigambo ekyo. Sigalira ddala nakyo. Kale.

61 Katonda Yasuubiza eri omukazi, nga bwe Yakola eri Kaawa mu Lusuku Adeni, eri Kaawa ono ow'oluvannyuma. Eyo, nga y'ekkanisa ya Pentekoote, entandikwa y'ekkanisa, ekklesia yennyini, ye nnyina w'abantu bona abalamu, kubanga, bw'etyo bweri kasita bagiyingiramu. Naye, okiraba, bwe batwala ebibi bye, bafiira wamu naye. Omuvubuka wuuno azze. Agamba, "Nze — njagala okuweereza Katonda."

Bamuddamu," Kale, kino ky'oba okola. Yingira omwo weenenye."

"Kale, nja kukikola." "Ekitiibwa kibe eri Katonda!" Kkirira awo, weenenye.

"Kati jjangu otwegatteko."

Awo, bwe kityo bwe kiba. Uhuh. Olaba? Ekyo kyamala. Huh! Ekyo bwe kiri, awo wennyini we yafiira nakyo. Olaba? Olaba? Ekyo kye . . . Ekitabo kino kye kiyigiriza, olaba, Si ekyo kye nngamba. Kubanga, wano, bwe kityo bwe kyogera. Kale.

62 Kati, Katonda Yamusuubiza nga bwe Yasuubiza Kaawa. Yagamba Kaawa ekiseera kirituuka e — Ekigambo ne kimujjira nate. Kati ekyo mukijjukira? Kye yafiirwa, kirimuddizibwa kubanga eriyo ekintu kumu ekiyinza okuzzaawo, era ekyo kye Kigambo. Ky'ekyo kyennyini.

Nga bwe nagambye, kuba emmundu; bw'otateeba, noonya wa we yawugukidde. Otekwa okuddirayo ddala awo otandike buto. Olaba? Kati bw'oddayo emabega, ogenda Nikyeya. Awo w'otandikira, olaba. Ddayo emabega, oviire ddala ku bibiina, oviire ddala ku kkanisa eyo.

Obubonero buno tubulabye nga butuufu nnyo. Mbadde nneewuunya, obulamu bwange bwonna, Iwaki nali nkyawa enkola y'ebibiina. Si bantu, nedda. Abantu bali nga nze oba ggwe, oba omuntu omulala yenna. Naye enkola eyo, enkola eyo ey'ebibiina, kati ngirabira wano. Mbadde siki manyi okutuusa kati. Ekyo bwe kiri.

63 Katonda Yasuubiza Kaawa ow'omwuyo, nga bwe Yasuubiza Kaawa ow'omubiri, nti nate Ekigambo kirizzibwawo gyali nate. Mu nnaku ez'oluvannyuma Azzaawo Ekklesia, ku Kigambo ekyasooka nate.

Kati wekkaanye nnyo. Nja — kati njagala okakasize ddala. Katonda Yasuubiza Kaawa, nti ekiseera kirija Ekigambo Iwe kirizzibwawo ezzadde lye. Ekigambo kino, Kyennyini, kirifluuka ensigo. Era bwe baamuwa ekifaananyi obufaananyi, yanyweza ekifaananyi ekyo. Naye Ekigambo bwe kyajja gy'ali, (omukazi) yakola ki? "Sikyagala!" Kyali kinyoomebwa nnyo. Tekyamulabikira . kuba kituufu, gy'ali. Kyali tekinyiriziddwa kimala.

"Ekisibo? Oh, abange! Abange! Omuntu afaanana bw'atyo, atalinnyangako na mu ssomero? Kale, siyinza ekyo sandikikkiriza. Oyo si ye Masiya. Omusajja buli omu n'amugalabanja, ate n'omuyita 'Masiya'? N'Abaleka ne bamusiba ekiremba mu maaso, ne bamukuba ku mutwe? Ate nga Yeeyita Nnabbi, Nnabbi omutuufu, Yandizuukidde?"

Mu butuufu, tebaamanya bannabbi. Yesu b'Atyo bwe Yagamba. Yagamba, "Singa mwamanya bannabbi, mwandintegedde Nze." Ky'ekyo.

64 Kati weetegereze. Naye Ekigambo bwe kyajja gy'ali, kyali ddala, mu ngeri yennyini Katonda gye Yagamba gye kirijjamu; ye (omukazi) yali akirowooza mu ngeri ndala. Njogera ku Mugole, Omugole Omuyudaaya, Omugole Omwebbulaniya. Oyo okusooka ddala, yali Kaawa. Kale bwe kyafuluma, teyakyagala. Yasiima kusigala na kikifaanana.

Kati, Katonda Yasuubiza Kaawa ow'omwoyo, ku Pentekoote, Yamugamba nga n'okubaawo tekinnabaawo, emyaka ebikumi bina nga n'ekkanisa tennagwa, nti baligwa era balikola ekyo kye bakoze. Naye, Yasuubiza, mu nnaku ezisembayo okutuma Ekigambo Kye nate.

65 Yesu Yayogera ekintu kye kimu nga Akyali ku nsi; nti Alikiweereza nate. Era kiki eki . . . Kirisanga ki? Kirisanga ekintu kye kimu kye kyasanga bwe kyajja olubereberye. Ky'ekyo. Baafuna . . . Bo, baagala bifaananyi byabwe. Baagala bibiina bya madiini gaabwe. Baagala bikwate byabwe. Baagala kweyisa nga bwe baagala. Era baagala, "Kale, Nze Gundi. Nzirkiriza Ndi wa Gundi." Siraba njawulo oba Katonda Akola ki, oba Yeeyoleka Atya; Ayinza okuzuukiza abafu; Ayinza okwoleka ebirowoozo by'emitima gy'abantu; Ayinza okukola buli kimu Bayibuli kye yagamba ky'Alikola. Ekyo tekireetawo njawulo yonna. "Bwe kiba tekikwatagana na nzirkiriza ya kibiina kyange, si kintu." Olaba?

Kintu kye kimu Omugole Omwebbulaniya kye yakola, kyekyo, olaba, baawuliriza ekifaananyi kyabwe. So nga Katonda Yabasuubiza ekyannamaddala. Era ekyannamaddala bwe kyajja, tebaakyagala. Kyali kya wansi bulala.

66 Kati ekintu ddala kye kimu leero. Bwe — bwe kirabika. Kati, Katonda oba Yagamba mu Malaki 4, nti Aliweereza Obubaka mu nnaku ezisembayo, obwo nga bwe bulizzaawo. Yoweeri yagamba, "Ndizzaawo emyaka gyonna." Buli kintu Rooma kye yalya, na buli kintu Abamethodist kye baalya, na buli kintu Ababaptist kye baalya okuva ku ttabi lya Pentekoote eryo eryasooka, Katonda Yagamba, "Ndizzaawo mu nnaku ezisembayo." Ekyo bwe kiri.

Era Ayinza okutuweereza omuntu ow'engeri ng'eyo aliba . . . Ekintu kyokka Katonda kye Yali Atumidde Ekigambo Kye yali Nabbi, si eri baddaabuluzi; eri bannabbi. Teyali ssaawa yaakyo. Kati essaawa yaakyo esembedde, era y'ensonga Iwaki tukirindirira okujja. Kiriba kinyoomebwa nnyo ate nga kikkakkamu! Era n'olw'ekyo . . .

67 Oh, owange! Olowooza bakagezimunno aba Methodist, Baptist n'aba Presbyterian, era n'aba Pentekoote, balisobola okukisembeza?

"Oh," Ogamba, "Abapentekoote?"

Abapentekoote be b'omulembe gwa Lawodikiya. "Bagagga, era tebaliko kye beetaaga." Kigamba, "Tomanyi nti oli mwavu." Oyinza okuba ng'ozimba ebizimbe bya bukadde na bukadde obwa ddoola, naye oli mwavu, oli mwavu mu mwoyo.

"Oh," ogamba, "Kyonna nkiraba." "Oli muzibe!"

"Kale," ogamba, "Katonda Yeebazibwe, nnyambadde." "Oli bwereere!"

"Kale, abalenzi baffe bali bulungi. Tulina zisseminaaliyo. Ffe . . ." "So nga tokimanyi."

Kati, ekyo kikontanira ddala. Kuba, oba Bayibuli yagamba nti ekkanisa ya Lawodikiya eribeera mu mbeera eyo . . . Era teri muntu ku nsi akiwakanya nti guno, gwe mulembe ogusembayo, kubanga, Omulembe gw'Ekkanisa ya Lawodikiya, ogwo, gwe mulembe gw'ekkanisa ogwomusanvu. Era, wano we tuli, emyaka egiddirira enkumi ebbiri gigufundikira. Tekyaliyo mirembe gyaa kkanisa mirala.

Eyo y'ensonga mmwe baganda baffe aba "Latter Rain" temusobola kutandikawo kibiina kya ddiini kirala. Tegenda kubaayo mulala nate. Ekyo bwe kiri. Guli ku nkomerero. Amiina. Tekyayinza kubaayo nate mirembe gyaa kkanisa. Gyonna giweddeko.

68 Kati olwo oba ng'Obubaka bwa Pentekoote bwe bwasembayo . . . Obwo, nga kwe kuggyibwako omusango, okutukuzibwa, n'Okubatizibwa n'Omwovo Omutukuvu, Obubaka obusatu obusembayo, obw'emirembe gy'ekkanisa esatu egisembayo egiiuukiriza Okuzaalibwa. Kiringa ddala omukazi, agenda okuzaala omwana we; ekintu kyennyini ekisooka okujja ge mazzi, ekiddako musaayi, ekiddirira bwe bulamu.

Bwe batta Yesu ku musaalaba, ekintu kyennyini kyava mu mubiri gwe, okukola ekipya . . . okusobozesa o — Okuzaala. Baafumita olubiriizi Lwe, omusaayi n'amazzi byavaamu, era "Nteeka Omwoyo gwange mu mikono Gyo." Ekyava mu mbirizi ze gaali mazzi, musaayi, n'omwoyo. Kati, 1 Yokaana 5:7 kikyogerako.

69 "Eriyo bisatu ebiwa obujulizi mu Ggulu, Kitaffe, Ekigambo (oyo ye Kristo,) n'Omwoyo Omutukuvu." era ebisatu bino biri mu kimu. Tebiri kimu, naye biri mu kimu. Era eriyo bisatu ebijulira . . . Byo, "Biri ekintu Kimu," manyanga. Nsobezza. "Era ebisatu ebiwa obujulizi ku nsi, ge mazzi, omusaayi, n'omwoyo, era bikwatagana wamu. Oyinza okutukuzibwa awatali butabalirwako musango. era oyinza obutabalirwako musango nga totukuziddwa.

Oyinza okutukuzibwa awatali kufuna Mwoyo Mutukuvu. Ddala ddala. Abatume, mu Yokaana 17:17, baatukuzibwa era ne baweebwa n'amaanyi g'okugoba emizimu, naye nga tebaalina Mwoyo Mutukuvu. Olaba? Mazima ddala. Baalina okutuuka ku Pentekoote, n'okulindirira okutuusa Omwoyo Omutukuvu ng'Azze. Awo Yuda we yeeragira kye yali. Olaba omwoyo ogwo engeri gye gwakolamu okuyita mu butabalirwako musango, n'okutukuzibwa? Naye ku nkomerero, ne gwoleka kye gwali Olaba? Ekyo bwe kiri.

70 Kati weetegereze, kati, tutuuse mu kaseera ak'enkomerero. Era Kaawa ow'omwoyo, nga bwe . . . nga Kaawa Omwebbulaniya bwe yasuubizibwa, Omugole Omwebbulaniya yasuubizibwa Ekigambo okumujjira nate. n'Omugole ow'Omwoyo okuva ku Pentekoote, bwe yagwira e Nikyeya, awo n'asuubizibwa nti Ekigambo kirikomawo nate mu nnaku ez'enkomerero. Kati ogamba, olwo . . . Oba oyagala Ekyawandiikibwa ekirala, bikkula wano, mu Okubikkulirwa 10. Kigamba, "Mu kiseera, ekiseera kya — ekya malayika asembayo, Malayika owoomusanvu (omubaka owoomusanvu) ng'afuuwa, ekyama kya Katonda kiriba kiwedde." Olaba? Okuzzibwayo ku Kigambo!

Bayibuli egamba nti omubaka ono ow'ennaku ezisembayo aliba, "Alibazzaayo ku kukkiriza okwasooka, eyo ku nzikiriza ya bakitaabwe." Naye mulowooza balikisembeza? Nedda, ssebo. "Mu nnaku ezisembayo, Alizzaawo Ekigambo ekyasooka," nga bwe Yayogera mu Malaki 4. Naye yafiirwa.

Kati, yafiirwa Ekigambo ekyo e Nikyeya Kaawa ya kifiirwa mu Adeni; Kaawa ekikye yakigaanira e Kaluvaliyo. Era n'ekibiina eky'e Nikyeya kyakigaana mu nnaku zaabwe ezisembayo, mu ngeri y'emu. Abange! Naye Ekigambo bwe kyajja mu mubiri gw'omuntu, ye (omukazi), Kaawa, ekkanisa y'Abaebbulaniya, nnyina w'ab'omwoyo bona abalamu mu kiseera ekyo, yakigaana. yali mufu ddala, mu bulombolombo n'ebikwate bye, bw'atyo n'akisubwa. Kale n'ono bw'ali. Mazima ddala.

71 Kale. Baamusubwa, Ekigambo Ekiramu ekyeraze mu mubiri, okuyita mu Kigambo ekyasubizibwa. Ekigambo kyasuubiza okukola ebintu bino. Ekisuubizo kyakolebwa, era kiriba bwe kiti mu nnaku ezisembayo. "Nga bwe kyali mu nnaku za Sodoma, bwe kiriba ne mu nnaku z'okujja kw'Omwanan w'Omuntu." Kati wekkaanye kiki ekyaliwo e Sodoma. "Nga bwe kyali mu biro bya Nuwa, bwe kityo bwe kiriba mu kujja kw'Omwanan w'Omuntu." Olaba? Wekkaanye kiki ekyaliwo. Olaba? Kati, yagamba nti kiriba ekintu kye kimu, era tuli mu biro ebyo. Kale, nsuubira, bwe kirina okuba, era nnyinza okufuna ebisuubizo lukaaga ebyogera ku ekyo, okuva mu Byawandiikibwa, ebikikwatirako ddala. Olaba? Kati, naye, baakigana.

Yeekwata ku bulombolombo n'ebifaananyi, mu kifo ky'e — e . . . Yeekwata ku bifaananyi by'omusaayi, mu kifo ky'Omusaayi gwennyini. Yesu, Ekigambo, kyagamba, bwe kyalagibwa gy'ali (omukazi), "Kubanga yeekwata ku buno bulombolombo . . ." Yesu, Ekigambo ekyoleke, Yagamba Omugole, Omugole Omwebbulaniya, "Kubanga onyweza obulombolombo, Ekigambo kya Katonda n'okifuula obutaba na maanyi gy'oli. Tekisobola kukola."

72 Kati eyo y'ensonga leero, nti, e — okudda obuggyaa okwo kwe tubadde tulowooza okuba nakwo, tufunyeemu kudda buggyaa kwa bibiina bya madiini. Tetufunanga kunyeenyeezebwa kumala. Nedda, nedda, nedda. Nedda, ssebo. Tolowooza nti tubadde n'okudda obuggyaa. Tetunnaba. Oh, balina bukadde na bukadde, bw'abannakkanisa, naye tewali kudda buggyaa wantu wonna. Nedda. Nedda.

O — Omugole tannafuna kuzzibwa buggyaa. Olaba? Tennabaayo kuzzibwa buggyaa wonna, tewannaba kweyoleka kwa Katonda okunyeenya Omugole. Olaba? Kati tukunoonya. Kyetaagisa ebibwatuka ebyo omusanvu ebiri eyo ebitannamanyibwa, okumuzuukusa nate, olaba. Yee. Ajja kukiweereza Yakisuubiza. Kati wekkaanye. Kati, abadde — abadde mufu.

73 Era kati singa amakanisa geerabira ebikwate byago, ne geerabira n'amateeka gaago, ne batwala Bayibuli yokka, ne basaba ekisuubizo, olwo kyandibagasizza. Naye, laba, Yesu Yagamba, "Olw'obulombolombo bwammwe, mufuula Ekigambo kya Katonda obutaba na maanyi." Kale, ekyo ekintu kye kimu ebiro bino ne Kaawa ow'omwoyo, olaba, Omugole ow'omwoyo ow'ebiro bino, ekkanisa, eyeeyita bw'atyo, atwala Ekigambo kya Katonda, kyokka nga takikkiriza. N'akkiriza ebikwate, mu kifo ky'Ekigambo. N'olw'ekyo, Ekigambo tekirina maanyi gy'ali, olaba, kubanga agezaako okuyingiza ebikwate bye mu Kigambo, era tekiyinza kukola.

74 Kati, kye twetaaga leero . . . Nze bulijo ssoosa kusoma wano luno olupapula, oluyitibwa Herald of His coming, omutwe ogugamba, "Twetaaga nnabbi okudda. Twetaaga nnabbi okudda!" Era ndowooza, bw'aliija, tebalikimanyaako. Kwe kugamba . . . Ekyo bwe kiri. Bulijjo bwe kityo bwe kibadde, mulaba. "Tukyetaaga," Buli kye boogerako, "Twetaaga nnabbi okudda, alireeta Ekigambo kya Mukama, atatty. Tukkiriza Bayibuli yakisuubiza."

Kati, mmayi ow'oluganda — ow'oluganda Moore ne banne, ndiddengako mu maka gaabwe, n'ebirala byonna, omukunngaanya w'ebitabo. Era ye muntu asingayo obulungi oyo — atambulira mu ngatto y'eddiba, ndowooza, y'omu ku bantu abasingayo obulungi. Naye, laba, amanyi nti tuteekwa okuba nakyo. Ne mwannyinaffe Moore, omu ku bakazi abalungi ennyo, bambi . . . bambi omuntu oyo, era beerekereza. Mu ndowooza yange, The Herald of His coming, lwe lumu ku mpapula ezisingayo obulungi. Naye tukizuula nti, tebayosa kwasanguza nti "Twetaaga nnabbi! Twetaaga nnabbi!" Olaba? Abange! Ekyo kye boogerako.

75 Kati olwo awo we tuli, leero, kiringa jjo ne leero, okulangirira ku laadiyo, nti . . . era amakanisa ga Baptist n'amalala, nti, "Tetujja kweragira wamu na Bakatoliki, naye tuyinza okusinziza awamu nabo. Olaba? Kati wano wennyini, Obubaka obugenda mu maaso wano wennyini, nti, "Kwewalira ddala ekintu ekyo eky'obutwa!" Olaba? Olaba? "Ababiri batambulira awamu wabula nga batabaganye?" Ekitangaala n'ekizikiza tebisobola kukolera wamu.

Ekitangaala bwe kijja, ekizikiza kivaawo. Olaba? Tekisoboka . . . Ekisingirayo ddala okuba eky'amaanyi! Toyinza kuggyawo Kitangaala, ng'okozesa ekizikiza. Naye osobola okuggyawo ekizikiza, ng'okozesa Ekitangaala. Ekyo bwe kiri. Era Ye kye Kitangaala, era Ye kye Kigambo. Olaba? Kati, awo, oba oddiddeyo ddala eri. Toyinza kukirimbisa oba okukola ekintu kyonna ekikyamu. Kikomerawo ddala wano wennyini. Yee, ssebo.

76 Ng'oli bwe yandigezezzaako, okukutiisatiisa; ng'omanyi w'oyimiridde, omanyi ky'akkiriza. Kiringa okuddira akamyu n'okasumululira mu kayumba kaako, nga buli katuli omaze okukaziba. Yimirira buyimirizi ku mulyango; kateekwa kukomawo. Ekyo kyokka kye kalina okukola. Olaba? Kalina okukomerawo ddala nate ku mulyango, kubanga eryo lye kkubo lyokka lye kayinza okufulumiram. Kajja kukangabaliza wano omutwe gwako, era kumpi kumenya ensingo yaako; olwo kadde eno, kadde eri. Yimirira buyimirizi okatunuulire, kajja kukomawo awo wennyini. Olaba? Ky'ekyo. Eyo ye ngeri yokka gy'okikolamu. Sigala ku Kigambo. Oyinza okwasanguza, ebikwate byo byonna, ne weemenya n'ensingo buli wamu, naye oteekwa okukomawo ku Kigambo kino.

77 Olaba? Yee, ssebo. Kye kyokka. Kati, laba, bo — bo — tebakyagala. Tebaagala Kigambo kya Katonda. Kubanga yeekwata ku bulombolombo bwe, yaleetera Ekgambo kya Katonda obutaba na makulu. Bwe kiri na kati, ku Kaawa ow'omwoyo. Tayagala . . . Ayagala kukuma bulombolombo bwe, ave ku Kigambo kya Katonda. Kati ate yeekutte ku madiini n'ebikwate byago n'obulombolombo bw'abakadde, mu kifo ky'okutwala Ekgambo kya Katonda.

Kati ekisuubizo ky'Ekgambo, mu nnaku ezisembayo bwe kirimujjira, talikkiriza, olw'obulombolombo bwe, ng'Omugole Omwebbulaniya bwe yakola. Ekgambo kyennyini, wadde kyeyoleka, ne kikemebwa, ne kikakasibwa, tayinza kukisembeza. Lwaki talikikola? Kubanga ekyo kye kifaananyi kye. Tayinza kukikola. Ekyo bwe kiri. Tayinza kusukka kifaananyi kye. Olaba? Era kyalangibwa nti alikikola, kale oyinza otya okubaako ky'okyusa? Kati ekintu eky'okukola kyokka kusanyuka nti oyingidde. Kye kyokka. Kyetegekere.

Kale. Katonda Yasuubiza, mu nnaku ezisembayo, nti Aliyoleka era Alikakasa Ekgambo Kye gy'ali, naye era talikikola. Ebyo byonna, Katonda bye bye Yamusuubiza ng'ayita mu baddu Be, bannabi. Katonda Yasuubiza okuyita mu Yesu Kristo, Katonda Yasuubiza okuyita mu Yoweeri, Katonda Yasuubiza okuyita mu Pawulo. Katonda Yasuubiza okuyita mu Malaki. Yokaana . . . Katonda Yasuubiza okuyita mu Yokaana Eyabikkula, bannabi bona, Omubaka asembayo kiki ddala ky'aliba gy'ali.

78 Kati, oba oyagala okubiwandiika: nkakasa, mwenna mubimanyi: Kati, oba oyagala okubiwandiika: nkakasa, mwenna mubimanyi: Yesu, Yokaana 14:12; Yoweeri, Yoweeri 2:38; Pawulo, 2Timoseewo 3; Malaki, Malaki essuula eyo 4; era Yokaana omubikkuzi, Okubikkulirwa kkumi, kkumi-na-musanvu, emu okutuuka ku kkumi-namusantu.

Olaba, ddala ddala ekyo kye kirina okubaawo kaakati! Era, eri ekkanisa, kiba kiki? Ekgambo ekifuuse omubiri mu babe nate! Naye nga tebayinza n'akatono kukikkiriza.

79 Omayi Yesu kye Yagamba bwe Yalaba nga . . . Yakola ebyewuunyo ebyo mu maaso gaabwe, n'akakasa nga yali Katonda? Ekyo Yakikakasa, kye Yali Akola. Kye Yali. Ekyo kye Yali Akoledde ddala. Ye — Yabagamba, nti, "Oh, Ggwe, Kaperunawumu, eyeegulumizza okutuuka mu ggulu, singa emirimu gyali . . . singa emirimu egy'amaanyi egyakolebwa mu Sodoma, egyo egyakolebwa mu ggwe, kyandibadde kiyimiridde olwa leero." Ekyo bwe kiri.

Mu Kaperunawumu, Teyakolerayo kirala wabula okuwonya abalwadde batono n'Abooleesa n'ebiyama by'emitima, gyabwe n'Afuluma. Uh-huh. Ky'ekyo. Olaba. Tebamanyi emirimu eminene kye giri. Balowooza wateekwa okubaawo entegeka ennene ey'ekitalo buli omu mw'asitukira, omulamuzi n'ayogera, era — ne zisserumbeete ne zikubwa, bendera ne zeewuuba, era ne —n'abakazi abambadde obulungi nnyo, era ne . . . n'ab'ebitiibwa, abalina zi Ph.D, ne LL.D, abataddeko enkuifiira, ennene empanvu, abasibye zikkoola, n'ebirala, bona ne bayingira, "Ekyo ky'ekintu eky'ekitalo!" Katonda Yagamba, "Ekyo kya busirusiru."

80 Ayimusa akantu nga kumpi tekamanyi na njawulo ya A B C, olwo ne kakola ekintu ekikoleeza oluyiira mu Kkanisa yennyini. Abasigaddewo ne bagamba, "Ekibiina ky'abasirusiru." Katonda ekyo ky'Ayita "eky'ekitalo" ate ensi kyeeyita "eky'obusirusiru." Ensi ky'eyita "eky'ekitalo," ate Katonda ky'Ayita "eky'busirusiru." Olaba, ku buli ludda kikyuka. Olaba? Era ekintu Katonda kye Yasuubiza, Katonda Alikikola era Akikoze. Olaba? Wano we tutuuse.

81 Kati, era, asigala nga bwe yali. Kaawa Omwebbulaniya. Yali tasobola busobozi kukikola. Oyinza okuzuukiza abafu; oyinza okulaba Omwoyo wa Katonda. Yesu Yajja, ne Yeeraga Ye okubâ Omwana wa Katonda. Okusookera ddala, yatandika na kubuulira. Kale, ne balowooza, "Oba oli awo y'omu ku bimpemempeme. Ye y'ani, oyo?"

Kale, ekisooka, abantu baatandika okwogera . . . Kwo okuba, baali bagambye, mu kusooka, amukulemberamu bwe yajja, Yokaana, baagamba, "Ggwe Masiya?"

Yagamba, "Nedda. Naye waliwo w'Ayimiridde mu mmwe." Uh-huh. Olaba? Lwaki? Yamanya, eky'okukola Obubaka bwe nga buwedde, kye yali agenda okukola. Yamanya kye yali agenda okukola.

82 Nga Nuuwa bwe yekkaanya Enoka. Enoka bwe yagenda, Nuuwa yagamba, "Kirungi tusemberere eryato. Ekiseera kituuse." Nuuwa yasigala yekkaanya Enoka. Olaba? Ne Yokaana yalindirira akabonero Yesu ke Yamugamba, oba Katonda ke Yamugamba, okwekkaanya. Yagamba, "Kati Ayimiridde wano kati, awo mu mmwe. Simumanyi, naye ndimumanya."

Awo nga bayimiridde, ne babuza, "Ggwe Masiya?" Nti, "Twatumiddwa kuva ku kitebe." Uh-huh. Nti, "Abakadde, n'abalala bona, be batutumye wano. Oba ggwe Masiya, Iwaki tojja n'okimanyisa gye bali, so si eno mu bano abantu! Yambuka weeyoleke omanyike."

Yagamba, "Si nze Masiya." Nti, "Nze ddoboozi ly'oyo ayogerera mu ddungu."

Ekyo kyayitira ddala waggulu w'emitwe gyabwe ne kisukkirira. Tebaakimanyirako ddala n'akatono, olaba, so nga bona baali bamulindirira.

"Naye nga si ssempala afaanana ng'oyo. Oh, abange, ekyo kyandibadde kibi nnyo!" "Ova mu ssomero ki?"

"Sirina."

"Olina kkaada y'obwammembä?

83 "Ekyo kye ki?" Olaba? Yafukibwako amafuta okuva eri Katonda. Yagamba, "Kimu kyokka kye nina. Embazzi eteekeddwa ku kikolo ky'omuti." Kati, ekyo kyokka kye — ekyo kyokka kye yalina. Yakozesa lulimi lwa basalamala, si lulimi lwa bakabona; amasalambwa, embazzi, n'emiti, n'ebirala. Ye — teyayogerera mu lulimi lwa bannaddiini. Naye Yesu Yagamba tewabangawo nnabbi amwenkana "Tewabangawo azaaliddwa mukazi, amwenkana okutuusa mu biro bye." Ky'ekyo.

"Yali asinga nnabbi." yali mubaka ow'Endagaano, yayimiririra ddala wakati we — w'engereka za Katonda zombi we zikwataganira. Olaba? "Ng'asinga nnabbi." Era olwo bwe kityo — olwo ne batamutegeera. Tebaamutegeera. Yali ngeri ya kyerolerwa bw'atyo, kale ne bamugoba mu ngeri eyo, olaba.

84 Olwo Yesu bwe Yajja, olwo, era mazima baali tebagenda kumusembeza, kano katabani k'omubazzi, ekintu ekyo tekyali kirungi, kw'ossa n'erinnya eryamujwetekebwako, "eyazaalibwa mu bwenzi." Ate era, Ye, nga tebayinza kugenda kulaba muntu ng'oyo.

Naye, laba Katonda kye Yakola. Yalonda abatali bayigirize, abaavu, abavubi, abasalamala, abalimi, ne bamalaaya, ab'ebitiibwa n'abaleka awo. Lwaki? Kiki? Lwaki Yakikola? Lwaki Yakola ekintu ekiri ng'ekyo? Oyinza okukirowooza? Kubanga ekyo abantu abo baamukkiriza nti Ye Kye Kigambo.

85 Kati ka tubekkaanye okumala akabanga. Wuuno nnamukadde omuvubi atali muyigirize, tamanyi na kuwandiika linnya lye. Bayibuli egamba nti "teyali muyigirize era nga tamanyi." Aleeta ebyennyanja bye n'abiwummuza awo. N'aserengeta okulaba ekivaako okuleekaana kuno kwonna. Naye munda muli mu ye, yamanya nga Bayibuli bwe yagamba nti Masiya . . . Bonna Abaebbulaniya baali balindirira Masiya, kubanga waali wateeekwa okutuukirirawo ekyawandiikibwa nga Azze.

86 Waali wabaddewo bamasiya bangi abaayimuka ne bagamba, "Nze Ye," ne babawabya, mu bikumi na bikumi, era — ne bazikiriranga bwe batyo. Naye, laba, okwo kwali kuwabya bave ku oyo Yennyini nga Azze. Twalina eminagiro gya Eriya n'amakooti, n'ebintu ebirala, naye ebyo — ebyo — ebyo — kwe kuwugula ekintu kyennyini nga Azze. Olaba? Bwe kiri. Energi z'abantu abo bonna abeesuulira eminagiro ne bambala amaganduula, era ne baziikibwa mu bitiibwa byonna ebya buli ngeri ne byonna eby'energi eyo. Ebyo te . . . ekyo — ekyo kyakakasa bukakasa. Nga ddoola ey'ekikwangala, bw'eraga nti waliwo awantu awali ddoola entuufu. Bw'oba oyinza okugizuula. Olaba?

Kale wano yajja. Kati wano ab'ebitiibwa beesowolayo, ne balemara ku biwaanyise byabwe! "Kale," baagamba, "kati, oba Masiya wa kujja, mazima Ateekwa okujja eri Kayaafa. Alijja mu ddiini yaffe. Alijja eri Abafalisaayo."

Abasaddukaayo, "Ekyo kye mulowooza! Alijja eri Abasaddukaayo."

87 Era baali bwe batyo, olaba, ekintu kye kimu kye balina leero, kaakati Naye bwe Yajja, kyali kirala. Ajja kujja, oh, naye nga kya njawulo ku kye baalowooza, naye Ajja ng'Ekigambo bwe kigamba. Kyokka tebaamanya Kigambo.

Ka njogere ekyo, kyennyni, mulyoke . . . kiryoke kiyingirire ddala. Njagala tukitegeere. Eyo y'ensobi gye mulina leero, olaba, temumanyi Kigambo! Olaba?

Yesu Yagamba, "Mukebera eggulu n'obudde, naye ne mutamanya buponero bwa biseera byammwe."

Baagamba, "Tulina Musa."

Bw'Atyo n'Abaddamu, "Singa Musa mwamumanya, nange mwandintegedde." Tebaamanya Musa, era eyo y'ensonga Iwaki tebaamumanya. Baamanya bikwate byokka ebyali byaluddwa.

88 Kati, ka tulabe nnamukadde ono omuvubi. Awummuza wansi ekisero kye. Alongoosa ekirevu kye ekibunye envi, asemera, "Mmanyi nja kumulaba oyo."

Muganda we n'agamba, "Laba eno. Tuserengete." Nti, "Omusajja y'omu oyo. Oyo ye musajja gwe baatugamba jjuuzi . . . Eggulo nabadde naye olunaku Iwonna. Omnyi Yokaana, oyo gwe nnayogerako?"

"Ddala, Omusajja oyo ow'omu nsiko eyo! Ddala, namuwulirako." "Kale," Nnamukadde Simooni, omnyi, nti, "Namuwlirako eyo. Yee, nnaliyo, emyezi ng'ebiri oba esatu egiyise, eyo. Yee."

"Kale, yagamba . . . Era lumu yali ayimiridde awo, n'ayogera, ekintu ekitaali kya bulijjo. Yagamba, 'Mumanyi, Wuuno wano Azze kaakati!' Ko bo, 'omnyi otya?' Bwe baatunulayo; nga muntu wa bulijjo y'ayimiridde awo. N'agamba, 'Ndaba Omwoyo wa Katonda, ng'Alinga ejjiba, ng'Amukkako. Ne mpulira Eddoboozi nga ligamba, "Ye Ono. Ono ye Mwana Wange gwe Njagala gwe Nsanyukira okubeeramu." 'Awo n'ayingira mu mazzi n'amubatiza, n'ebirala. Kale, awo, n'agamba nti amumanyi."

"Oh, simanyi," Simooni bwe yagamba. "Bino byonna mbiwulidde, emirundi mingi." Kale wuuno ajja; naye munda mu mutima gwe mwalimu ensigo eyategekebwa okuva ku lubereberye. Olaba? Yesu bw'Atyo bwe Yagamba. Ekyo bwe kiri. Yamuseemberera. Yatambula n'agamba, "Nja kugenda mu lukunngaana ndabe."

89 Yayambukayo. Ne Yesu Yali Ayimiridde awo-omuntu ddala owa bulijjo. Yamuseemberera n'agamba, "Laba, erinnya lyo gwe Simooni, n'erya kitaawo yali Yona." Ekyo kyamumalamu yenna. Lwaki? Akasigo ako, ak'obulamu obutaggwaawo muli kaakomwako. Yee, ssebo.

Yagamba, "Lindako katono, ekyo kijja kitya? Tondabangako. Newankubadde okumanya kitange kubanga yafa dda nnyo, naye ggwe okujja n'ombuulira ekyo. Kaakati mmanyi nti Bayibuli egamba ..." Kati, tuleme kuddayo ku bakadde kye boogera. "Naye Bayibuli egamba nti Masiya aliba nnabbi. Wuuyo awo. Ye Oyo."

90 Lumu Yayitira mu Samaliya, ng'Atambula n'Abayudaya bangi. Yabaleka. Bambi omukazi ono eyali amanyiddwa

ng'omwonoonefu, yafuluma, oba oli awo yali mukazi mubalagavu, nga bw'omnyi. Era nga yatandika okubeera ku nguudo, nga muto. Bw'atyo naye yali agenda eyo. Oba oli awo yalina kyalowooza. Bwe yatuukayo n'awummuza wansi akalobo ke. N'atandika okussa ekisena, nga bw'omnyi, okusena amazzi. N'awulira omusajja ng'agamba, "Mpa ku mazzi nnywe." Yeetoolooza amaaso, n'alaba omusajja Omuyudaaya attuludde.

N'amubuuza, "Ogamba, toli Muyudaaya ggwe? Ekyo tewandikikoze. Si kya buwangwa gwe okwogera nange. Ndi Musamaliya." N'amugamba, "Naye singa obadde omnyi ayogera naawe, wandireese . wandinsabye okukuwa eky'okunywa."

Yamugamba, "Akalobo kali wa?" Olaba? "Omugwa gwo guli wa?"

"Kale," N'agamba, "Amazzi ge mpa bwe Bulamu."

"Ekiki?" olaba? "Kale," nti, "Kale, mwenna mwagala kusinziza mu Yerusaalemi. Kyokka bajjajjaffe baasinbizanga . . ."

"Oh," N'agamba, "ekyo bwe kiri, naye," nti, "ffe Abayudaaya tumanyi kye tusinza." "Naye," nti, "omnyi, ekiseera kijja bwe— abantu Iwe batalisinzia mu Yerusaalemi oba ku lusozi luno." Era nti, "bo —

bagenda kusinziza Katonda mu Mwoyo, kubanga Ye Mwoyo, Omwoyo na Amazima."

Kale, omanyi, yatandika okuyiga.

Yagamba, "genda oleete balo ojje wano."

N'agamba, "Baze? Sirina baze!" "Kale," nti, "ago ge Mazima." N'agamba, nti, "obaddenga na bataano, era kati ofunye owoomukaaga." N'agamba, "Obadde na bataano. Era — kati, ggwe, omanyi. Oyogedde mazima."

91 Wekkaanye! Kyali ki? Ekitangaala ekyo kyakoma ku nsigo eyo. Kyalingamu omwo, nga Kyayogerwa Katonda. Yee, ssebo. Ensigo yali ku nsi. Katonda bwe Yaggyawo amazzi, omusana ne gugyakako, yameruka. Ekyo bwe kiri. Olaba? Kye yali yeetaaga kyokka, yali njuba. Yali yeetaaga musana. Yee, ssebo. Kati olwo Omwoyo Omutukuvu, munda mu ye, bwe Yamujjirayo obulamu bwe obw'emabega, n'abumulaga, Ekitangaala ekyo kyagimulisa.

N'agamba, "Ssebo, ndaba nti oli nnabbi." N'agamba, "Kati, tumanyi, nkimanyi, nti Masiya bw'Alijja, ekyo ky'Agenda okuba. Ate nga tumaze emyaka bikumi na bikumi nga tetulina nnabbi. Tumaze emyaka bikumi na bikumi, nga tetulina nnabbi mutuufu." Era n'agamba, "Kijja kitya . . . okumbuulira ku baze, n'ontegeesa bameka be nali mbadde nabo, n'ebirala." Kale, n'agamba, "Kino sikitegeera." Naye Masiya bw'Alijja, kale, ekyo Alikola, naye ggwe ani?

N'agamba, "Nze Nzuuyo." Ekyo bwe kyali. Olaba? Malaaya!

92 Olwo bakabona ne beebulunguluza amaaso ne bagamba . . . Kale, bateekwa okwanukulira ekisibo kyabwe. Nti, "Leka kulimbibwa musiru oyo. Alikola — aliko setaani. Ky'ekyo.

Kati, eyo ye njawulo. Ekintu kye kimu ekyo leero. Olaba? Kintu kye kimu leero, kiddiramu ddala. Ddala. Yee, ssebo. Omukazi, yakimanya, kubanga Ekitangaala kyakikomako.

Abo a- . . . abavubi, ababazzi, abalimi, abawooza, bamalaaya, baamulabamu ekyo Ebyawandiikibwa ebyangu kye byayogera ky'Alikola. Kyokka Abafalisaayo tebaasobola kulaba, olw'obulombolombo bwabwe. [Ow'oluganda Branham asiriikiriramu n'abaako engeri gy'akolamu. Ekibiina kiraga obumativu—Omuk.] Bo tebaasobola kulaba, olw'obulombolombo bwabwe. Naye bamalaaya, abalimi, n'abalala bona, baakiraba. Abo bona abaakitegekerwa. okubuuusabuusa bwe kwavaawo, ensigo n'emeruka. Ky'ekyo.

93 Omukazi yakola ki? Yagamba, "Ddala, nsanyuse ndabye ku Masiya"? Oh, nedda, ow'oluganda. Yatukira ddala mu kibuga. Eby'amazzi yabyerabira. Yagamba, "Mujje, mulabe omusajja ambuulidde ebantu byonna bye nakola. Kino ddala Ebyawandiikibwa si kye bigamba nti Masiya by'alikola? Kino si ky'ekyo kyennyini?" N'abantu baalaba ekintu ekyo kye kimu. Nga Yesu Kristo bwe Yagamba, mu Yokaana Omutukuvu 14:12, nti kiriddamu nate.

Ne mu Lukka namwo yakyogera, bwe yagamba, "Nga bwe kyali mu nnaku za Nuuwa." nga Katonda bwe Yeeragira mu muntu, n'Ayogera eyali emabega We; era n'ekyo Saala kye yakola ng'asekera mu weema. N'Ebyawandiikibwa bino byonna, ebya Malaki, n'ebirala, ebyogera ku nnaku ez'oluvannyuma. Abaebbulaniya 4, kigamba nti, "Ekigambo" bwe kirikomawo. Malaki 4 kigamba nti kirikomawo na muntu. Abaebbulaniya 4 kigamba nti, "Ekigambo kya Katonda kikebera ebirowoozo by'omu mutima. Kyokka bakiraba nga kikoleddwa, ne beetambulira bwetambulizi. Obulombolombo bwabwe bukikweka ne bukifuula ekitalina maanyi. Kale, wano we tutuuse. Ky'ekyo. Uh-huh.

94 Omanyi, Ayinza okukola ekintu kye kimu kati. Asobola okujjira ddala we tuli n'Akola ebantu bye bimu bye Yakola luli, nga bwe Yagamba nti Alikola. Olaba? Yasuubiza okukikola. Yasuubiza okukikola. Era singa Alikola ekintu kye kimu, Omubaka wa Lawodikiya asuubirwa okukikola. Era olwo nga Ekklesia ya Lawodikiya ng'ekirabye, balikola ekintu kye kimu ng'Ekklesia y'Abaebbulaniya bwe yakola ku lubereberye. Si nsonga wadde kikakasiddwa kitya, oh, mu buli ngeri, ba kukikola. Oh, abange!

Kati, kigamba nti bwe kiriba. Tuliddayo ku Kigambo ekyasooka, ne tulagibwa nga bwe kyasuubizibwa, okuzzaawo nate Okukkiriza, Okukkiriza okwasooka, nate. Era bwe Yeeyoleka nti Abeerera ddala mu Babe, ng'Akola ebantu bino; Ayinza n'okukubwa ekifaananyi, kikakasibwe bannassaayansi. era ne batakikkiriza. Ne kikakasibwa, kale eriiso ly'ekyuma kya kamera ne limulaba nga Ayimiridde awo, Empagi eyo y'emu ey'Omuliro, ebeera obumu jjo, leero n'emirembe gyonna, Abaebbulaniya 13:8 okulaga nti —mu buli ngeri, ssaayansi, ne mu by'omwoyo, kikakafu. Mu buli ngeri kimaze okukakasibwa, kyolekeddwa. Era, omanyi, mpozzi kye kimu kye bandikoze. Bajja kukivaako oba oli awo beetambulire bakole ekintu kye kimu nga bwe baakola.

95 Oh, Katonda Tuyambe! Oh! Tujja kukoma wano. Naye, Katonda Atuyambe okukiraba kaakano, y'essaala yange, nga bwe tusembira. Kubanga, saagala kubalwisa kiyitiridde. Katonda Tuyambe tulabe. Nzirkiriza oba oli awo, nti Omwoyo ali ku ffe anaaba mutuufu n'asobbola okutuyamba okubikkula Akabonero kano.

Ka tusome. Nga bwe tulaba embeera ekkanisa gy'erimu, Tulaba gy'evudde, tulabye kye baakola, ne tulaba gye kyalina okuva, ne tukirabayo eyo, era ne tulaba kye baali bateekwa okukola. Ekyo kye baakola. Kati mulaba wa we tuli? Mmwe musaleewo. Sisobola kusalawo. Nze kye nvunaanyizibwa kyokka kuleeta Kigambo kino. Nga bwe kimpeereddwa, bwe ntyo bwe nkifulumya. Okutuusa nga kimpeereddwa, siyinza kukiwa; Teri n'omu asobola.

Bwe yabembula akabonero akookusatu, ne mpulira ekiramu ekyokusatu nga kyogera nti, Jjangu olabe. Ne ndaba, era laba embalaasi enzirugavu; n'eyali agituddoko ng'alina ekigera mu mukono gwe.

Ne mpulira ng'eddoboozi wakati w'ebiramu ebina nga byogera nti, Ekiyi ky'enngaano kya ddinaali, n'ebiyi bisatu ebya sayiri bya ddinaali; naye amafuta n'omwenge so tobyonoona.

96 Kati, Omwana gw'Endiga Akutte Ekitabo mu mukono gwe, Abembula Obubonero. Yabembula akasooka, akookubiri, ate kati Abembula akookusatu. Era nga Abembula, Omwana gw'Endiga Abembula, Akabonero Akookusatu, ekiramu ekyokusatu . . . Kaakati bameka abamanyi ekiramu ekyokusatu bwe kifaanana? Kifaanana muntu. Ekisooka kyafaanana mpologoma; ekirala kyafaanana nnyana, oba nte nnume; ate ekyokusatu kyafaanana muntu, yali muntu.

Era n'awulira e — ekitonde, e — ekiramu. Ekitonde ekiramu, ekifaanana ng'omuntu, nga kigamba Yokaana, "Jjangu, olabe kye kiri, ekyama kino ekibadde kikwekeddwa." Okuyita mu myaka gyonna eg'yobununuzi, okuvira ddala ku ntandikwa y'ensi, kibadde kikwekeddwa wansi w'akabonero, ekyo ky'ekigenda okubaawo. Kati, "Jjangu, olabe kye kiri." Bw'atyo akabikkula. Ekibwatuka ne kibwatuka, awo Omwana gw'Endiga n'Abembula Obubonero.

97 Kati, ne Yokaana n'agenda, okulaba ekyo kye kyali. Yalaba ki? Yalaba embalaasi enzirugavu. Era agyebagadde ng'alina ekigera, oba minzaani, mu mukono gwe. Kati, ekyo kye yasooka okulaba. Omwana gw'Endiga bwe Yakirangirira, Yabembula Akabonero, awo ekiramu ekirala . . . Olaba, ebiramu ebyo bikola mpalo, ez'okulangirira, "Jjangu, olabe."

Era Yokaana, we yali ayimiridde, oba oli awo mu ngeri eno, asemerba bw'ati, nga Omwana gw'Endiga Akipembudde, yasembera. Bulijjo . . . Eggulu libwatuka, nga bwe twalaba ku Kabonero Akasooka. Atunula okulaba ekinaabawo. Era alaba omuntu ng'ajja, okusooka, ng'ali ku mbalaasi enjeru. Amutunuulira ng'avuga akkirira. Era nga yeeyongererayo, Yokaana amugobereza amaaso okutuusiza ddala ku nkomerero. Amulaba ng'aserengeta, embalaasi ye enjeru, alina omutego mu mukono gwe, era o — omuvazi w'embalaasi ono, nga talina busaale mu gwo. Ekiddirira, ky'alaba, aweebwa engule, ayitirawo ddala ng'avuga.

98 Olwo tulaba, era nate, Omwana gw'Endiga, wano ng'Ajja nate, n'Abikkula akalala. Era n'atunula. Kati wano ne wajjawo e — embalaasi emmyufu. Omusaja ono alina ekitala mu mukono gwe. Agenda avugira ddala okumalako Ebyawandiikibwa, olaba, n'ekitala mu mukono gwe, era nga wa kutta n'okuggyawo emirembe ku nsi.

Kati Omwana gw'Endiga Abembula Akabonero akalala. Ekiramu ekirala, ekiringa omuntu, ne kigamba, "Jjangu, olabe." Kati, atambula, ng'asemerba okulaba kye kiri. Bw'akikola, ne wajjawo omuvazi ali ku mbalaasi enzirugavu.

99 Kati, eggulo, twakirabye nti omuvazi y'omu eyavuga embalaasi enjeru y'omu ku mbalaasi emmyufu. Era eddoboozi ne lyogera, wakati w'ebiramu, ne liyita, olaba. Awo, nti jjangu olabe kye kiri; yali mu biramu bino. Era n'alaba embalaasi eno enzirugavu.

Kati olwo . . . eddoboozi wakati w'ebiramu ebina ne ligamba, Ekiyi ky'engano kya ddinaali, ne — n'ebiyi bisatu ebya sayiri bya ddinaali; naye laba nti amafuta n'omwenge so — so tobyonoona. (Olaba?)

100 Omuvazi ono, ka tumwogereko. Bw'oneetegereza omuvazi eyasooka, kye yali. Era twakirabye, jjuuzi, mu Byawandiikibwa, nti omuvazi owookubiri yali ddala y'omu, wabula yali ku mbalaasi ndala. Kiki ekyaliwo? Yakyusa obuweereza bwe. Olaba? Ky'ekyo. Twakirabye nti yali omulabe wa Kristo, era yali akyusizza kifo kye. Twakirabye nti okusooka yali muvazi wa mbalaasi njeru, neefuuka enjigiriza. Kati, buli kimu kino wano tukizzizzaayo ddala mu Byawandiikibwa. Olaba?

101 Kati, weetegereze we tuli, leero, omulembe ogwo ogw'ekkanisa omulala. Olaba? Tutuuse ku mulembe gw'ekkanisa ogwokusatu kati. Olaba? Ddala ku mulembe gw'ekkanisa ogwokusatu, nga y'embalaasi yennyini eyookusatu. Olaba?

Kati, omulembe gw'ekkanisa omubereberye, gwali ki? Banikolayiti baalina enjigiriza, olaba, ekyo kye kyasooka. Kale. Era olwo ekintu ekisooka, enjigiriza eno ey'Abanikolayiti, yakkirizibwa nga ntuufu, yateekebwa mu nkola. Omuntu ono ne bamutikkira engule. Olwo, omwoyo guno, omulabe wa Kristo, gwayingira mu muntu. Olaba? Era tukiraba, oluvannyumako, nti naye, era yafuuka setaani mu mubiri;

omwoyo omubi guvaawo, setaani n'ayingira.

102 Mu ngeri y'emu, nga ekkanisa eyo omulabe wa Kristo, bw'egenda mu maaso; bw'atyo n'Omugole bw'azze ng'ayita mu bintu eby'enjawulo; okuyita mu kuggyibwako musango, okutukuzibwa, n'Okubatizibwa okw'Omwoyo Omutukuvu, nga era agendera ddala mu maaso, olaba, mu ngeri eyo. Wabula, bo be baasooka okwezza obuggyga, ate Ekkanisa n'esembayo.

Emyaka gyabwe esatu egyasooka . . . Emitendera gyayo esatu gyali mu Mirembe gy'Ekizikiza; olwo esatu, emitendera esatu, gifulumya ekkanisa; okuva ku kuggyibwako musango, okutukuzibwa, n'okubatizibwa n'Omwoyo Omutukuvu, ne gigireeta mu Katonda Ayambadde omubiri Alabisiddwa mu ffe.

103 Wano ayingira, ng'omulabe wa Kristo, nga nnabbi ow'obulimba, olwo ekiramu, ne kiddako, ate Emirembe gy'Ekizikiza ne giddawo. Era Ekkanisa eva mu Mirembe gy'Enzikiza; okuggyibwako omusango, okutukuzibwa, Okubatizibwa n'Omwoyo Omutukuvu, Ekigambo ekiri mu mubiri, engeri eyo. Era ne yeeyongerayo. Uh-huh. Ekyo okiraba? Akkirira. Ekkanisa n'esitulibwa. Olaba? Ekyo kikwataganira ddala nga bwe kirina okuba. Oh, nga kirungi. Nga nkyagala.

Omuuzzi ono y'omu, naye ali mu kitundu kirala eky'omulimu gwe. Ekitundu ekisooka, mbalaasi njeru, olaba, yali akyali musomesa kyokka, omusomesa omulabe wa Kristo kyokka. Awakanya Ekigambo kya Katonda.

104 Ekitundu ekisooka, mbalaasi njeru, olaba, yali akyali musomesa kyokka, omusomesa omulabe wa Kristo kyokka. Awakanya Ekigambo kya Katonda. Oyinza otya okubeera omulabe wa Kristo? Omuntu yenna agaana ng'agamba nti Ekigambo ekyo kino si kituufu, era n'ayigirizibwa mu ngeri y'emu, ebeera mulabe wa Kristo, kubanga bagaana e — e — Ekigambo. Ate nga Ye ye Kigambo. Kati, omutendera ogusooka, embalaasi enjeru, yali musomesa busomesa, naye nga mwovo omulabe wa Kristo, mu njigiriza ne mu ntegeka yaayo. Yalabika ng'etaalina mutawaana. Nga terina gw'eyinza kulumya, era ng'erabika okugenda mu maaso. Eyo ye ngeri Setaani gy'ayingiram. Oh, kinyonyi kalimagezi.

Yagamba Kaawa, nti, "Kati, omanyi onoonya magezi. Tomanyi kirungi na kibi." N'agamba, "Kati, singa amaaso go galaba, wandikitegedde." Era nti, "ekibala kisanyusa nnyo. Kirungi. Ki — kisanyusa amaaso. Kati lyako. Tomanyi oba bwe kiri, oba nedda, si bwe kiri? "

"Nedda, simanyi, naye Katonda Yagamba obutakikola."

"Naye, oh, kale, nkimanyi, naye . . ."

"Katonda Yagamba nti Ali . . . Tulifa."

N'agamba, "Mazima, ekyo teyandikikoze." Olaba, kyali kiwooma ekisusse. Naye laba kye kyakola.

Londoola omwoyo guno omulabe wa Kristo nga gusituka mu kkanisa eyasooka, enjigiriza ya Banikolayiti. Nikao, "fuga" abakkiriza, teekawo omuntu omutukuvu.

Oh, kwe kugamba kyali . . . "Kale, kye twagala kwe kukunngaana kyokka. Kubanga, eyo gye muli musaasaanye ; tewali amanyi munne gy'ali. Ndowooza ffenna tuteekwa okukolawo ekibiina tubeere ba njawulo. Olaba, tugende, twegatte wamu. Tusaanye tukikolemu olukunngaana."

105 Bwe kityo bwe kiri. Teri kintu ng'ekkanisa ya Kristo eya Methodist. Eyo si kkanisa; eryo kkunngaaniro. Baptist, eyo si kkanisa; eryo kkunngaaniro. Waliwo Ekkanisa emu yokka, era eyo gwe mubiri gwa Kristo ogw'ekyama. Era omwo ozaalibwamu buzaalibwa, ekyo bwe kiri, okuyita mu kutegekebwa nga n'ensi tennatondebw. Ekyo bwe kiri.

"Bonna Kitange be Yampa balijja. Teri ajja nga Kitange Tamuyise. Era bona Kitange be Yampa, balijja gye Ndi." N'olw'ekyo, ekyo, bwe kityo bwe kiri. Ye ku bubwe . . . Omwana gw'Endiga Atudde awo, Akola — Awolerezza, okutuusa asembayo ng'ayingidde. Akade kavuga, olwo n'Avaayo okweddiza ebibye, olaba, ky'ekyo; Atwala Ekkanisa Ye Eka, ababe. Asuula omulabe We mu nnyanja ey'omuliro, n'abaweereza be bona baligenda omwo wamu naye, era ky'ekyo. Olwo ne tuyingira mu Myaka Olukumi.

106 Era omuvazi y'omu, kati. Mu kitundu kino ekisooka, teyalina kabi. Mu kyokubiri, kaakati, n'alinnnyako eddaala, okusingawo, okweyongerako katono; ekitundu ekyokubiri, Bayibuli egamba nti "aliweebwa engule." era baatikkira omuntu, oyo ow'oku ntikko. Laba, baamutikkira! Kati, mu kiseera ekyo, Bayibuli teyamuyita ppaapa. Bayibuli yamuyita "nnabbi ow'obulimba." Lwaki? Ddala. Okiraba bulabi nti, ateequa okuba nnabbi ow'obulimba, olw'omwoyo gwe oguwakanya Kristo, ogwayigiriza ebiwakanya Kristo ku Kigambo ekyasooka. Kubanga, bw'aba nga yayigiriza ng'awakanya Ekigambo ekyasooka yali mulabe wa Kristo. Bwe yali Kubanga Ekigambo Ye Katonda, olaba, Kristo.

107 Kale. Kati, oluvannyuma Iw'ekyo, tumulaba ng'olwo atikkirwa. Bwe yatikkirwa, kati, alabikira ddala ng'atalina mutawaana era eteeyinza. Akyali muntu tuyabaya. Naye ate mu Lukiiro Iw'e Nikyeya, yakuzibwa, era Constantine yamuwa eby'obugagga byonna. Kati olwo kiki kye yakola? Olwo ye, olaba,

Setaani, n'amuwa nnamulondo ye n'obuyinza. Bayibuli bw'etyo bwe yagambye, nga bwe twakiyitamu.

Kati, ekintu ekiddako kye tulaba, tulaba nga Setaani bw'alina obuyinza ku by'obufuzi byonna ebyaliwo n'ebiribaawo. Ekyo tukiraba mu Matayo 4:11. Era wano tukiraba, nti olwo, Setaani yali amaze okuba n'eb'yobufuzi bw'ensi. Naye agezaako okutwala ekkanisa. Kale akka okugirimba. Addira musajja we ono ow'oku ntikko, n'amuteeka mu kibiina, n'amutikkira nga "omusigire," olaba, ayitibwa kristo. Kristo ye Yali mu kifo kya Katonda. Olaba, omusajja ono ye musigire, mu kifo kya Katonda. Olaba? Ekintu ekyo kye kimu, "mu kifo kya Katonda," ky'ateekwa okuba, omusigire wansi wa Kristo.

108 Kati, kati, ekyo bwe yakikola, olwo yakola ki nate? Ye, Setaani, yaddira obuyinza bwe obw'eb'yobufuzi, bwe yali amaze okweddiza, n'addira n'obuyinza obw'eb'yeddiini, bye yali amaze okuweebwa engule, n'abigatta wamu. Era olwo n'amuwa engule endala ku ggeyeena. Era abo abaagendayo, bwe baasasulanga ssente, yabaggyangayo. Olaba? Kale kati ye — ye musigire w'Eggulu, y'afuga Puligaatoli, nga bw'agiyita. Mu Bayibuli temuliiimu kintu bwe kityo, olaba, naye yali ateekwa okukolawo ekintu. Bayibuli yagamba nti ava mu bunnya obutakoma, era addirayo mu kkubo lye limu. So nga wano ku nsi, mufuzi!

109 Kati, olwo yaweebwa ki? Mu kusooka, yalina omutego, naye nga talina kasaale konna. Naye kati alina ekitala eky'amaanyi mu mukono gwe. Kati ayinza okubaako ky'akola. Olwo n'abuuka okuva ku mbalaasi ye enjeru; embalaasi enjeru yo egenda mu maaso. Kaakati yeebagala ki? Mbalaasi mmyufu, musaayi, embalaasi emmyufu ng'omusaayi. Eyo agivugira ddala. Oh, mazima ddala. Kati aweereddwa obuyinza obw'ekitalo n'ekitala eky'ekitalo, okutta, ate olwo ne yeebagala embalaasi ye emmyufu ng'omusaayi.

Tulaba, mu Kabonero akookubiri, akaabembuddwa eggulo, yaggyawo emirembe ku nsi era ne battinngana. Era ebyafaayo ebibye byennyini eby'abajulizi, eby'Ekereziya Katolika ey'e Rooma, biraga nti batte Abakkiriza abaabawakanya (Protestants) obukadde nkaaga-mu-munaana, okuva mu kiseera eky'Omukutuvu Hippo ow'e . . . oluvannyuma Iw'omutukuvu Augustine ow'e Hippo, okutuusa mu 1580. "Obukadde nkaaga-mu-munaana." Smuckers Great Reform, bw'oba oyagala okukisoma, manyanga Glorious Reform, olaba. Kati, obukadde nkaaga-mu-munaana abali ku lukalala Iwabwe olw'abo abattibwa olw'eddiini.

110 Omu ku abo abayitibwa mbu be batuukirivu baabwe bwe yafuna okubikkulirwa nti oyo yenna atakkiriziganya na Kereziya y'e Rooma attibwe ng'atakkiriza, ekyo kyabaleetera okubabayimbulira. Owange, yayiwa omusaayi! Ye — yeebagala embalaasi ye enjeru . . . ku mbalaasi ye emmyufu, olwo n'avuga. Oh!

Kati amaanyi ge ag'ekitalo gajja. Yafuuilibwa omusigire w'Eggulu, n'asinzibwa nga Katonda. Afuga ensi, ng'agatta wamu ekklesia n'eggwanga, yamufula omufuzi ku nsi; yamuwa obwakabaka ku byo. Asabira emyoyo okuva mu puligaatooli. Ayinza era okuwolere . . . Yali nga ddala Katonda, ku nsi, mu kifo kya Katonda.

111 Yalina n'obuyinza obw'ekitalo, okutta oyo yenna atakkiriziganya na biragiro bye. Ani asobola okumwogerako? Ekklesia tesobola kwogera kintu kyonna; ye gwe mutwe gwayo. Eggwanga terisobola kwogera kintu kyonna; ye gwe mutwe gwalyo. kale baafa bukadde na bukadde. Obukanisa obwo bwonna obutono, muganda wange, bwayabizibwa, ne battibwa ne batemulwa, baagabulwa empologoma, n'ebirala byonna. Olaba? "Ogusota," Rooma, "gwamuwa entebe yaagwo n'obuyinza." Bayibuli bw'etyo bw'egamba. Olaba? Bw'atyo yavuga ekifaananyi ky'embalaasi ye, emmyufu ng'ayita mu musaayi gw'abantu, okutuusa bwe yafuuuka embalaasi emmyufu.

Kati Yokaana amulaba ku mbalaasi enzirugavu. Yakyusa, n'adda ku kirala. Kati nnina oku — okwogera kino mu ngeri ddala gye kijjamu gye ndi. Era olwo singa kijja gye ndi ne kitakwatagana na Byawandiikibwa birala, olwo Katonda Aba si ye Yakiwa. Olaba, Ebyawandiikibwa bwe birina okuba, byonna, kiri ekintu kimu eky'ekitalo — ekintu ekinene bwe kityo. Ebyawandiikibwa biteekwa okukwatagana n'Ebyawandiikibwa. Era ekintu kyonna ekiwakana n'Ebyawandiikibwa . . . Singa Malayika wa Mukama oyo ambuulira ekintu kyonna ekitagendera wamu na byawandiikibwa, siyinza kumukkiriza.

112 Nnagamba, jjuuzi bwe nnali mu Chicago, ebikumi n'ebikumi by'abawereza abo bwe byali . . . Waliwo eyaliwo mu lukunngaana olwo? Mazima. Mu lukunngaana olwo mu Chicago, nagamba, "Kati, mwenna mugamba nti mulina . . . Mulowooza nti wano mubadde munnyoolanyoola, mu ngeri emu." Okufaanankano nga kati bwe kiri mu kisenge wano. Ne nngamba, "Kiki ekyo? Kye munvunaana." Ne nngamba, "Omwoyo Omukutuvu Yandaga, ennaku ssatu eziyise, buli omu ku mmwe w'anabeera. Era nti tetwali ba kubeera eyo mu . . ." Mubuuze Carl, ali wano, oba ekyo si bwe kiri." Era ne Hank yaliwo n'abalala bona, "Ekyo bwe kiri." Mwenna mwaliyo okukiwulira.

Ne nngamba, "Kati munvunaana, olw'enjigiriza yange. Eyo y'ensonga. Kati njagala omu ku mmwe ajje wano aggyeyo Bayibuli ye ayimirire wendi akiwakanye." Kye kibiina ekyali kisinzeeyo okusirika. Ne mbabuuza, "Mubadde ki?" Nti era, "Olwo, oba mumanyi nti temuyinza kuwakanya Kigambo, kati munveeko.

113 Mmwe abakugu mu by'eddiini n'ebirala, ne mumala googera, olwo ne mweyita ba 'Dokita,' 'Dokita,' 'Dokita.' Kyokka nga nze . . ." (Oh, nze n'owooluganda Woods tukiyita "omujega" oba "omubisi.") "Sirina buyigirize, saayitako mu sseminaaliyo oba ssomero. naye mukwate Bayibuli zamwe mujje wano muyimirire nange, mukakase oba tewali zzadde lya musota, Okubatiza mu Linnya lya Yesu, oba ekimu ku bintu bino bye njigiriza."

Teri n'omu yayogera kigambo. Ekyo mwenna mukimanyi. Kye kibiina ekisirise kye wali olabye. Olaba, bamala galeekaana mu ngeri gye sitegeera. Kati, kati kiikino. sikkiririza na mu kwereega na bantu, okuggyako ng'otuuse we bakuwaliriza okukikola. Era sandigenzeeyo, naye Omwoyo Omutukuvu Yanngamba, nti, "Gendayo. Nja kuyimirira naawe."

114 Nababuulira, ng'ekyabulayo ennaku ssatu oba nnya. Mwenna mwaliyo ne muwulira mwami Carlson n'abalala, ne — ne Tommy Hicks. Ne bona nga batudde awo. Era nagenda, ng'ekyabulayo ennaku ssatu, ne nngamba, "Ekifo ekyo mujja kukisazaamu."

Kikunta yali mungi ku olwo. Nga ndi mu lukunngaana. Yagamba, "Genda, oyimirire kumpi n'eddirlisa eryo, eriri ku luggi olwokusatu." Era nagenda ne nnyimirira awo wennyini. Ne ntunula ebweru bwe nti. N'Agamba, "Bakuteze akatego. Bajja kukusaba oyogere mu lukunngaana Iw'Abawereza oluli mu Greater Chicago." Nti era, "Bakuteze olukwe, ku by'oyigiriza ku Kigambo Kyange." N'Anngamba, "Kati, bajja kusaza mu kifo ekyo. Tebajja kukifuna. Era bajja kugenda mu kifo kirala, mu kitundu ekikal." Nti, "Kifaanana bwe kititi."

115 Nayimirira, ne nneeraba nga ndi mu nsonda; ne nkyuka ne ntunulayo okulaba. Ne mbalaba bona. Nnalaba ababuulizi abo bona nga batudde awo, engeri gye baalimu. Bonna ne mbalaba. Era n'Agamba . . . "Oh," muli ne ndowooza, "Mukama, kirungi nneme kugendayo, oba ekyo kye bagenda okukola. Saagala kubanyiiza oba okukola ekintu kyonna ekikyamu."

Yagamba, "Genda. Nnaayimirira naawe." Yakikola. Ekyo bwe kiri. Kati, mmwe mwenna, mmwe mwenna, bajulizi abali wano, mwali mutudde awo era mumanyi nti kituufu. Ky'ekyo. Kale, n'entambi, muzirina wano. Naye, olaba, ky'ekyo.

116 Kati, wano we wali ekyama kya kino. Era kati, Kyo, Kyakimbikkulidde ku nkya, nga tebunnakya. Olwo nagenze mangu okusoma Ebyawandiikibwa ne ntandika okutunula, okukyekebejja. Nga kiri awo. Byonsatule, okutwaliza awamu, kati bimaze okubikkulwa, mu ngeri ya kyewuunyo. Ddala. Kati kino kye kyama ky'embalaasi enzirugavu, okusinziira ku kyambikkulidwa.

Yatandika okugyebagala mu kiseera ky'Omulembe gw'Ekizikiza. Ky'ekyo embalaasi enzirugavu kyetegeesa, gy'Emirembe gy'ekizikiza, kubanga kyali kiseera kya ttumbi eri abakkiriza abatuufu abaali basigaddewo. Wekkaanye kati mu mulembe ogwo, omulembe ogwo ogwa wakati, omulembe gw'ekkanisa ogw'ekizikiza. Wekkaanye engeri gy'ayogeramu, "Osigazza amaanyi matono." Eri abakkiriza abatuufu, bwali budde bwa ttumbi.

117 Kati wekkaanye. Essuubi lyonna lyali liweddewo eri ekkansia ey'amazima, kubanga omusajja ono yali afuga byombi ekkanisa n'eggwanga. Bandikoze ki? Olaba, obukatoliki bwali bumaze o kumaamira, ekkanisa awamu n'eggwanga. Era abo bona, abatakkiriziganya na Bukatoliki, battibwa. Eyo ye nsonga Iwaki yali ali ku mbalaasi ey'ekizikiza. Era wekkaanye ekintu eky'ekizikiza kye yakola, olaba, olwo ojja kulaba. Bw'ogezaako oku...Oba omanyi ebyafaayo byo, kyekkaanye, olwo ojja . . . Kale, tekikwetaagisa na kubimanya, oku — okumanya kino.

Kati wekkaanye. Essuubi lyonna lyali liweddewo. Eyo y'embalaasi ye enzirugavu. Kati, yayingira ali ku mbalaasi ye enjeru, mu bukalabakalaba. Olwo yaweebwa obuyinza; n'aggyawo emirembe, n'atirimbulu obukadde na bukadde. Ekyo kye yali agenda okukola ng'agenda avuga. era akyakikola. Olaba? Kaakati, wuuno ali ku mbalaasi ye enzirugavu kati, avaayo.

Omulembe gw'Ekizikiza, kye kyali ekiseera ekyo. Mangu ddala ng'ekkanisa yaaketegeka, ne bafuna obuyinza, baasaanyaawo buli kintu kyonna ekirala. ne bayita mu bikumi n'ebikumi, n'ebikumi n'ebikumi eby'emyaka, nga buli musomi bw'amanyi nti egyo gye gyali emirembe gy'ekizikiza. Bameka ekyo abakimanyi? [Ekibiina kiddamu, "Amiina." — Omuk.] Ddala, gy'emyaka gy'ekizikiza. Eyo y'embalaasi enzirugavu, eraga kifaananyi kya mirembe egy'ekizikiza.

118 Kati, essuubi lyonna liweddewo; tekyali ssuubi lyonna, buli kintu kiddugadde eri abakkiriza abatono. Kati, eyo y'ensonga egiyisa bw'etyo, okulaga, embalaasi ey'ekizikiza.

"Ekigera kye, oba minzaani ye, eri mu mikono gye," olaba, ayita "Ekigera ky'enngaano kya ddinaali, n'ebiyi bisatu ebya sayiri bya ddinaali." Olaba, mu butuufu, kitegeesa, enngaano ne sayiri byetaagibwa mu bulamu. Ebyo omugaati n'ebirala mwe biva. Naye olaba, yali abisasuza. Kye kitegeesa, nti, yali asasuza abantu be olw'ekika ky'essuubi ly'obulamu bwe yali abawereza, nga akola . . . Yatandikirawo mu kiseera ekyo, okubasasa za olw'essaala, okusasulira essaala. Bakayakikola; zinnooveena. Kubanga, yali akola ki? Ng'awamba obugagga bw'ensi yonna. Minzaani, epima, "Ekiyi ky'enngaano kya ddinaali, n'ebiyi

bisatu ebya sayiri bya ddinaali."

Omuvuzi ali ku mbalaasi enzirugavu, laba, yali akola . . . Abantu be abaggyako ssente zaabwe. Bayibuli yalagula nti, akutte obugagga bw'ensi yonna. Nga bwe twayogedde eggulo ku Russia n'abalala, ssente zonna, bazitwala abantu ne babambula buli konna ke balina, na buli kimu. Kale ky'ekyo.

119 Kati weetegereze. Olaba ssente za kereziya wa we ziva? Ziviira ddala mu bintu ebyo; Okuzimba ekibiina, ekintu ekinene, obukadde bwa ddoola wano. Era — era olaba nnyina waakyo ky'ali?

Mukama, nkwebaza. Oh, abange! Nga ndi musanyufu nnyo. Yee, ssebo. Kale. Kibadde kisa kye. Kye kyokka. Kale. Kale. Bwali budde bwa ttumbi. Ekyo mukitegeera kati? [Ekibiina kiddamu, "Amiina." — Omuk.] Era wano asasuza ku lw'engeri y'obulamu, ekyo ye sayiri n'ebirala, ku bulamu obw'omubiri; kati, tekyali kya mwoyo. Yali sayiri, olaba, n'olw'ekyo, mugaati gwa sayiri era mugaati gwa nngaano. Yali asasuza olw'ekika ky'obulamu ekyo kye yali awa abantu be. Asasuza olw'essaala z'abasosodooti, okusabira abantu bave mu puligaatoli. Kusasuza! Kati kino nkinokola mu byafaayo. Asasuza, ndowooza, lwa ssaala ze (nooveena), ndowooza, kino buli omu akimanyi. Nooveena, ndowooza ky'ekintu ky'oteekwa okukola, omanyi, ngeri ya kibonerezo. Wateekwa okubaawo akisasuza.

Ng'akunngaanya obugagga bw'ensi yonna okubuleeta gy'ali, mu ye, mu kereziya mwennyini. Ate ng'akyeyongera okuvuga. Oh, ddala bw'ali. Yee, ssebo. Akyavuga!

120 Weetegereze. Wano we wali akatundu akalungi. Weetegereze . . . amafuta n'omwenge bino so tobyonoona. "Wasigadde matono nnyo, naye togakwatako!" Kaakati, amafuta ge . . . Kabonero akalaga Omwoyo, gwe Mwoyo Omutukuvu.

Nja kubawaayo ennyiriri ntono oba mwagala. Waliwo Ebyawandiikibwa bibiri. Mu Eby'Abaleevi, 8:12, omanyi, Alooni, nga tannayingira, yalina okufukibwako amafuta. Era Zekkaliya 4:12, ku mafuta ago agajja, gaayitanga mu midumu, n'agamba, "Guno gwe Mwoyo Gwange, amafuta." Ekirala, bw'oba oyagala soma mu Matayo, 14 . . . 25, waaliwo embeerera abasirusiru, manyanga 25:3, embeerera abasirusiru tebaalina mafuta, tebaalina Mwoyo. Era Matayo 25:4, embeerera abagezi baalina amafuta mu ttabaaza zaabwe, bajjula Omwoyo. Omwoyo! Amafuta gategeeza Mwoyo. Oh, Agulumizibwe! [Ow'oluganda Branham akuba mu ngalo omulundi gumu—omuk.] Kale. Mukifunye? [Ekibiina kiddamu, "Amiina."] Kale.

121 Kati, amafuta kitegeeza Mwoyo. Kati omwenge kitegeeza okukyamuka okw'okubikkulirwa. Oh, nze — njagala kudduka nga nsattira. Kyewuunyisa, baliraanwa ssaabazuukusizza, ekyo Mukama bwe Yakindaze, olaba, "okukyamuka okw'okubikkulirwa." Olaba? Amafuta n'Omwenge, mu Bayibuli, bulijjo, bigendera wamu. Nakebera enkuluze ne nkiraba. Era erimu olukalala lw'ebiringa ebyo — ebiringa ebyo, omwenge n'amafuta nga bigendera wamu, bulijjo. Olaba?]

122 Amazima g'Ekgambo kya Katonda ekyasuubizibwa nga gamaze okubikkulwa bulambirira eri abatukuvu Be abajjudde amafuta, bona bakyamuka. Omwenge kwe kikyamuukiriza. Aweebwe ekitiibwa! Nkiwulira ddala kati. Aba akyamuukiridde n'essanyu, n'okuleekaana! Olaba? Kati, bwe kibaawo, kibakolako mu ngeri y'emu nga — ng'omwenge kye gukola ku muntu ow'omubiri. Kubanga, okubikkulirwa nga kuweereddwa, Amazima ga Katonda, n'omukkiriza yennyini n'ajjula amafuta, n'akufuna, okukyamuka kuba kwa maanyi nnyo n'okweyisa ne yeeyisa mu ngeri etali ya bulijjo. Ddala. Agulumizibwe! [Ekibiina kijaganya — omuk.] Olaba, oba oli awo ekyo kye kibatuuseeko kati. Ekyo bwe kir, kubaleetera okweyisa mu ngeri etasanyusa balala.

123 Kati, oba oyagala Ekyawandiikibwa ku kino, tandika okusoma Ebikolwa 2. Baali ludda wa? Baali bafunye ekisuubizo ekyali kyabaweebwa. Ekisuubizo kyonna eky'Omwoyo Omutukuvu nga kibafukiddwako. Era kyali . . . kyali kikakasiddwa n'Ebyawandiikibwa.

Kati, laba, e . . . Kyandibadde kitya singa baagamba . . . "Kale, kwatirirako, Yatulagira okulindako wano okuweebwa obuweereza." Era oluvannyuma lw'ennaku omunaana, ne bagamba, "Kale, ka mbabuulire, abange," Makko n'agamba Matayo, "Nka — nkakasa tukifunye, bannange. Mulwooza sib we kiri? Olaba, Tumaze okukifuna. Nga bwe tukyalindirira ku buweereza bwaffe kati, tuteekeddwa okufuluma, tugende tubuulire enjiri. Yatulagira okujja tulindire wano, kati zino nnaku munaana nga tulindirira wano."

"Kale, ka tulindeko olunaku olulala lumu."

Ennaku omwenda zituuse. Olwo Makko n'ajja, oba — oba — oba oli awo omu ku bo, Yokaana, n'agamba, "Nda — nda — ndaba nga tetulin a kwongera kulindirira. Nkakasa tukifunye, mmwe temukakasa?"

124 Simooni wano mmulaba, anti omanyi, ye yalina ebisumuluzo. "Abange, mukwatirireeko! Ebyawandiikibwa biriko kye byogera ku kino. Teyatubuulira nnaku mmeka ze tuteekwa kumala nga tulinda. Yagamba, 'Mubeere awo okutuusa! Mubeere awo okutuusa obunnabbi bwa Yoweeri lwe bulituukirira, okutuusa obunnabbi bwa Isaaya lwe bulikakasibwa.'" "N'emimwa eginaanaagira n'ennimi endala ndyogera n'abantu bano. Era kino kwe kuzzibwa obujja." Guno gwe mwenge ogufukiddwa.

Omwenge kye ki, mu Bayibuli? Ekizzaamu amaanyi. "Kuno kwe kuzzaamu amaanyi okuva mu kubeerawo kwa Mukama." Olaba? Ki — kiteekwa okugendera awamu n'Ebyawandiikibwa kati. Olaba?

Kale, olaba, omwenge kitegeesa okukyamuka kw'okubikkulirwa. Era Omwoyo Omutukuvu bwe Yakka, ne balaba omuliro gwa Katonda nga gubagwako, owange, ekyo kyatandika okubakyamula. Era ekisookera ddala, baakyamuka nnyo okutuusa n'abantu lwe baalowoooleza ddala nti baali batamidde, naye baali bakyamuse lwa kubikkulirwa.

125 Olwa Katonda . . . Kiokino wano! Okubikkulirwa kwa Katonda nga kukakasiddwa gye bali, baakusanyukira. Katonda Yakisuubiza. Wano kyababikkulirwa, era ne kikakasibwa. Amiina! Wano omuntu yayimirira n'agamba, "Kino ky'ekyo! Kino kye kyo!" era kye kyali ekyo, nga kikakasibwa n'akabonero ke kamu ke tulina leero. Ekyo — ekyo kwe kukyamuka okw'okubikkulirwa. Olaba? Era, kati, olwo ddala baali bakirina.

Eyo y'ensonga Iwaki Peetero yasobola okufuluma, n'agamba, "Kale, mmwe abasajja Abayudaaya, nammwe mwenna abatuula mu Yerusaalemi, mumpulirize. Mmwe abayigiriza b'eddiini, muwulirize kye nngenda okubabuulira, olaba. Oh, nga kya kitalo! Kyabikkulwa! Kyabikkulwa! Baakyamuka nnyo bwe baalaba nga kikakasibwa. Ekyo bulijjo bwe kikola. Bulijjo kiba bwe kityo.

126 Bwe ndaba nga waliwo Katonda kye Yasuubiza okukola mu nnaku zino, nga Yasuubiza okubembula Obubonero buno mu nnaku zino ezisembayo! Era tomanyi ssanyu, na kujaguza, bye nalina, bwe namulaba ng'Abikkula kino, nnayimirira ne nkiraba nga kituu kirira! era mmanyi nditwala omuntu yenna oba ne mmuvunaana, nti Alina kye Yatukolera ekitaayita mu nkola eyo. Era bw'otegeera essanyu lye nnina mu mutima gwange, okulaba bw'Atuukiriza ebisuubizo Bye eby'ennaku ezisembayo, nga bwe Yasuubiza okukikola. Era wano nkiraba kituukirizibwa era nga kituukiridde.

127 Bw'owulira nga nngamba, "kinnyongera okukikkiriza." eyo y'ensonga. Okukyamuka kuba kususse, nga — nga — nze nga — omanyi, nga njagala nngende nkusaleko, okukyamuka okuva mu kubikkulirwa!

Ky'ekyo. Baakyamuka nnyo, olwa oku — olw'okubikkulirwa, okwo okwabalagibwa, ekisuubizo, kale. Kati, oh, owange! Awo kyatuukiriza essanyu erikyamula, okutuusa abantu lwe baagamba, "Batamidde omwenge omusu," Katonda bwe Yababikkulira ekisuubizo Kye. Era teyakbabikkulira bubikkulizi kyokka, naye Yakikakasa. Ekyo kye njogera bulijjo. Omuntu asobola okwogera ekintu kyonna, ddala, ayinza okugezaako okwogera ekintu kyonna; naye ekyo Katonda Aba Alina kujja n'Akikakasa!

128 Kati, Bayibuli egamba, "Omu ku mmwe bwe yeeyita ow'omwoyo, oba nnabbi, bw'alagula ne bitatuukirira, temumukkiriza. Tomutiira ddala. Omuntu oyo tomutya; naye bw'akiragula ne kituukirira; oyo ye Nze, olaba. Nze, Nkirimu. Ekyo kiraga nti ye Nze."

Kaakati, olwo, bambi omukazi oyo Omusamaliya. Ebyawandiikibwa bigamba nti Masiya Alikola ebintu bino, era wano Wuuno Ayimiridde Akolera ddala ekyo Ebyawandiikibwa kye bigamba, omukazi n'agamba, "Wuuyo. Mujje mulabe omusajja! Kino si ky'ekyo ddala Ebyawandiikibwa kye bigamba ekiribaawo?" Olaba, Omukazi yakyamuka olw'okubikkulirwa. Si bwe kiri? [Ekibiina kiddamu, "Amiina." — Omuk.]

129 Yakyamuukirira olw'okubikkulirwa, bwe kyakakasibwa. Olaba? Ky'ekyo. Omukazi yamanya nga waaliwo . . . "Tumanyi nti Masiya oyo Ajja, oyo Ayitibwa Kristo. Era bw'Alijja, Alikola ebintu bino." Omukazi yali akirabye.

Kati Ye n'Amuddamu, "Nze Nzuuyo."

Olwo okukyamuka ne kutandika. Omukazi n'agenda, ng'aleekaana, n'ayingira mu kibuga. Yaleka ensuwa ye ey'amazzi enkadde, n'agenda, n'agamba abasajja, "Mujje mulabe!"

130 Kati, singa mubadde mumanyi empisa z'Ebuwanjuba, ekyo kikyamu omukazi okukikola. Yee, ssebo. Omukazi ow'ekikula ekyo, teri amuwuliriza. Nedda, ssebo. Olaba, yalina ebbala, era bwe ya . . . Singa yagenda mu nguudo z'ekibuga mu mbeera eyo, era n'akola bw'atyo, abantu ku nguudo tebandifuddeyo. Naye, ow'oluganda, omukazi yalina awo Ekgambo ky'Obulamu! Yali akyamusiddwa. Oyinza . . . Kyalinga okuzikiza enju, ekutte omuliro, ekutte omuliro, nga kibuyaga akunta. Oh, waaliwo ékimuwujja! Yali — yali mwetegefu. Yee. Tebaayinza kuguzikiza. Ogwo gwali muliro gwa Katonda nga gwaka. Yee, ssebo.

131 Omukazi n'agamba, "Oba temukikkiriza, mujje buzzi wano mu lukunngaana. Nja kukibalaga." Yee. Ky'ekyo. Yee. ssebo. Kale abasajja ne bagendayo. Ate Teyaddamu kukikola, naye baamanya nti waliwa ekituuse ku mukazi oyo. Yali akyuseeko, kale ne bamukkiriza. Yee, ssebo. Baamukkiriza . Kubanga, "okukkiriza kuva mu kuwulira, okuwulira ekisuubizo kya Katonda, Ekgambo kya Katonda, era kirondoole olabe bwe kikakasibwa." Kubanga, nsigo. Era bw'esigibwa, emeruka. Ebala ekyo ky'eyogerako. Bw'etakikola, olwo teba nsigo ya Katonda, oba si ekyo, omusizi y'ataamanya bwe bagisiga; aba teyatumbwa Katonda, kusiga nsigo. Ayinza okuba nga asiga ku Iwazi oba ekirala. Olaba? N'olw'ekyo ggwe — kale olaba, omusizi asiga ensigo, Katonda n'Agirabirira, ng'egudde mu kifo ekituufu, olaba. Oh, abange!

132 Kati olwo kyogera ki ku muvuzi ono ali ku nzirugavu? "Omwenge Gwange n'Amafuta tobyonoona! Tobikwatako, omwenge Gwange n'amafuta! Kati nsigazzaawo katono awo, naye eriyo akatono akakyasigaddeyo. Ddala. Kale oyinza okugenda mu maaso ng'opima obulamu obwo bw'ogenda ozikiriza; ekyo kiri gy'oli. Ekyo ojja kukisasulira eyo. naye bw'osanga omwenge ogwo n'amafuta, bireke!" Oh, abange!

Oba osobola, oba nga . . . Mu ngeri endala, kiba kiti, "Bw'okwata abamu ku bali mu kasibo Kange akatono, abajjuzibwa Amafuta Gange n'omwenge, olaba, omwenge n'Amafuta eby'Ekigambo ekitaliimu kintu kirala, olaba, n'obatta. Kubanga, ekyo, ky'okola. Ekyo ky'okola. Tobawaliriza kusoma 'mirembe Maliya,' oba eby'engeri eyo, oba ebimu ku bikwate byo. Ggwe baggyireko ddala omukono gwo. Bamanyi gye bagenda, kubanga bafukiddwako Amafuta Gange. Era olw'okubeera abafukeko Amafuta Gange, balina Omwenge gw'essanyu, kubanga bamanyi Ekigambo Kyange ekisuubize, 'Ndibazuukiza nate.' Ekyo tokyonoona! Togenda ng'obooonayonoona. Kale, baviireko ddala. Nedda." Bonna . . .

133 Akakasa Ekigambo Kye era n'Akireeta. Baakimanya. Baamanya nti balizuukira nate. Oh, ekyo nga nkyagala! Whew! Balizuukira. Wano embalaasi enzirugavu, ajja agivuga, Emirembe gy'Ekizikiza. Embalaasi enjeru bw'etyo bwe yagenda; twalabira ddala kye yakola. Olwo embalaasi emmyufu n'ejja; ne tulabira ddala kye yakola. Embalaasi enzirugavu n'ejja. Olaba, omuvuzi y'omu ebbanga lyonna, okumalirako ddala emirembe.

Kati tulaba nti, yagipima era n'agisasuza, ky'ekyo kyennyni: enngaano, eya nnamaddala, obulamu obuzaale. Eyo ye yali ebabeezaawo. Naye, nga kitegeeza; Mwoyo, Mafuta; n'essanyu ly'omwenge. "Obulamu obwo obw'omwoyo, ekyo tokyonoona. Kiveeko! Kwe kugamba, "Rooma, tokikwatako! Kyange! Ekyo Kyange!

134 Kati wano ninawo ekintu ekirala kye njagala mumanye. Weetegereze, tekyali ekimu ku biramu ebina ekyagamba, "Tokwata ku mafuta ne ku mwenge." Ekyo mwakyetegereza? Ebiramu ebina byali byogedde, naye . . . Wekkaanye, ka nsomeko wano, katono, olaba, kati

. . . ekiyi, ddinaali, kya — kya . . . nngaano kya ddinaali, n'ebiyi bisatu ebya sayiri bya ddinaali; omwenge n'amafuta . . . tobyonoona."

Kati wuliriza wano.

Era ne — ne mpulira eddoboozi wakati w'ebiramu ebina . Era ne — ne mpulira eddoboozi wakati w'ebiramu ebina .

Kyali ki? Mwana gwa ndiga! Amiina! Si ebiramu ebina. Omwana gw'Endiga ye Yayogera. Lwaki? Agenda kutwala Ababe. Abo ababe bennyini. Abanunudde. Olaba? Amiina! "Tokwata ku mafuta ago!" Nedda, ssebo. Si ebiramu ebina, naye Omwana gw'Endiga ye Yayogera. Era, oh, abange! Omwana gw'Endiga! Si . . . Ebiramu ebina si bye byalangirira kino. Omwana gw'Endiga, Yennyini ye Yagamba. Ebiramu ebina bwe byagamba, "Jjangu olabe," ne bagenda, ne bakiraba bwe kityo. Era n'Agamba, "Ekiyi ky'enngaano kya ddinaali, era eki- . . . Era nga kiba kyenkana wano, ne sayiri bw'atyo." Naye Omwana gw'Endiga yayogerera waggulu wakati mu byo, n'Agamba, "Naye Amafuta n'Omwenge so tobyonoona! Uh-huh. Ky'ekyo. Oh, abange! Kiwulirize, "Owange, tokyonoona, bw'okikola lumu olikitasulira." Oh, abange! Essaawa ziri 9:30.

135 Kale, nze nga bwe nkitegeera, era nga bwe nkimanyi, awamu n'ekyo kye nzikiriza okuva ku ntobo y'omutima gwange, ago ge makulu gennyini ag'Obubonero obwo obusatu. Njagala okukyebaliza Katonda. Era nja kugamba bwe nti, nti, kuno kwe kubikkulirwa kwe Yampa ku kyo. Ye Yakumpa, okubikkulirwa kwakyo. Era nzikiririza ddala nti tuli mu nnaku za luvannyuma.

Olunaku Iw'enkyo tunaayiga ku muvuzi oyo ow'embalaasi eya kyenvu. Era kati simanyi. Simanyi. Katonda Amanyi nti ekyo bwe kiri. Sirina kintu kyonna kye nkimanyiiko. Nedda. Nakebeddeko mu masomo gange ge nnakola emyaka egy'edda. Ndabaganyeko n'woooluganda Grim Snelling gye buvuddeko; oba oli awo afulumye. Naye, nzijkira bwe nali mbuulira wano, emabegako. Nnakebedde okulaba kye nayogera emyaka egiyise. Nnali mpita mu Kitabo ky'Okubikkulirwa, abavuzi bonna ab'embalaasi nnabatwalira wamu.

136 Nagamba, "Embalaasi enjeru, nti ye yali ekkanisa eyasooka, awatali kubuuusabuusa." Ekyo nakisoma nga nkijja mu kitabo ky'Abadiventi. Era nnina bye nnasomayo. Ne nngamba, "Eyo ye yali ekkanisa eyasooka eyafuluma, ng'egenda ewangula."

Era eyaddirira yali mbalaasi nzirugavu, ne ngamba . . . Kati neerabidde kye nayita embalaasi eyo enzirugavu. Nagamba . . . Manyanga, "embalaasi emmyufu," oba, nagamba, "embalaasi eyo oba oli awo yali etegeeza nti — nti waaliwo omutawaana ogujja, era kigenda kutegeeza entalo nnyingi ezisembedde, oba ekifaananako bwe kityo." Nti era, "Oba oli awo walibaawo entalo nnyingi." Ne nngamba, "Ekyo bwe kityo bwe kiriba."

137 Era olwo ne nngamba, "E — embalaasi eya kye- . . ." Manyanga, "E — embalaasi enzirugavu,"

nagamba, "ekyo—ekyo kitegeeza nti — nti oba oli awo walijjavo ekiseera ekya kazigizigi ku nsi, emmunyeenye zonna bwe ziri — zirirekayo okwaka; enjuba n'egwa, n'omwezi ne guzikira." Ne nngamba, "Oba oli awo ekyo kye kitegeeza."

Ne nngamba, "Embalaasi eya kyenvu, kitegeeza endwadde nnyingi ezijja." Kati, simanyi kye kitegeeza. Naye, eyo, ye yali enzivuunula yange mu kiseera ekyo, kubanga nakola ekyo kye nsobola, nga nnyimiridde wano ku kituuti. Naye, oh, kaabula kata mbeeko kye njogera awo! Kale. Hum! Oh! Mujja — mujja kulaba. Mmwe mwekkaanye, olaba. Kati, oh, tetuli basanyufu olw'essaawa eno gye tulimu! [Ekibiina kiddamu, "Amiina." — Omuk.] Bwe tulaba ebintu bino byonna nga bigenda bituukirira, muli ne ndowooza:

Amawanga gasasika, Isiraeri azuukuka,
Obubonero bannabbi bwe baalagula;
Ennaku z'Abaamawanga esigadde mbale,
Era zijjude ebiwoobe;
"Mukomeewo, ewammwe, mmwe abasaasaana.
Olunaku lw'okununulibwa luseembedde,
Emitima gy'abantu gityemuka olw'okutya;
Mujjule Omwoyo, n'ettaala zammwe muzigule bulungi,
Mutunule waggulu, okununulibwa kwammwe kuseembedde! (Oh, abange!)
Bannabbi b'obulimba balimbalmiba,
Beegaana Amazima ga Katonda,
Nti Yesu Kristo ye Katonda waffe;

Mukikkiriza?

[Ekibiina kiddamu, "Amiina." — Omuk.]

"Naye ffe tujja kutambulira abatume mwe baayita.
Kubanga olunaku lw'okununulibwa luseembedde,
Emitima gy'abantu gityemuka olw'okutya;
Mujjule Omwoyo,
Muzigule bulungi ettabaaza zammwe,
Mutunule waggulu, okununulibwa kwammwe kuseembedde!

138 Ekyo si kya kitalo? [Ekibiina kiddamu, "Amiina." — Omuk.]

Ekyo nkyagala. okununulibwa kuli kumpi.

Akawungeezi walibaawo ekitaangaala,
Ekkubo ly'obutuukirivu ddala muliriraba;
Wakati mu mazzi, leero we wali omusana;
Abaziikiddwa mu Linnya ery'omuwendo erya Yesu.
Abato n'abakadde, mwenenye ebibi byammwe byonna,
Omwovo Omutukuvu mazima Anaayingira;
Ekitangaala eky'akawungeezi kituuse,
Mazima Katonda ne Kristo bali Omu."

139 Ye ky'Ekgambo! Oh, abange! Kya kitalo! "

Amangu Omwana gw'Endiga Atwala
Omugole okumuba ku lusegere olubeerera,
Eggye lyonna ery'eggulu lirikunngaana;
Oh, nga kiriba kya kitibwa okulaba,
Bonna abatukuvu mu njeru ttukuttuku;
Wamu ne Yesu ku mbaga nga bajaguza olubeerera.
Oh, "Mujje mulye," Mukama Ayita, "Mujje mulye;"
Oh, muliire ku mmeeza ya Yesu bulijo;
Oyo eyaliisa enkumi,
N'Afuula amazzi enviinyo,

Eri abayala Ayita kati, "Mujje mulye."

Oh, Mujje mulye, Mukama Ayita

Oh, "Mujje mulye," Mukama Ayita, "Mujje mulye;"
(mulye ku Kigambo!)

Muliire ku mmeeza ya Yesu bulijjo;

Oyo eyaliisa enkumi,

N'Afuula amazzi enviinyo,

Eri abayala ayita kati, "Mujje mulye."

140 Oh, abange! Muli bayala? [Ekibiina kisanyuka — Omuk.] "Balina omukisa abo abalumwa enjala n'ennyonta olw'obutuukirivu." Mumwagala? [Ekibiina kiddamu, "Amiina." — Omuk.] Mumwagala? Ekisumuluzo eky'okumwagala, mukimanyi. Kati ffenna ka tuyimirire, tuwanike emikono gyaffe, twoleke okusiima kwaffe gy'Ali. "Mmwagala, Mmwagala kubanga ye Yasooka okunjagala ." Kale, kati ffenna wamu.

Mmwagala, Mmwagala
Kubanga ye Yasooka okunjagala
N'Angulira obulokozi
Ku muti e Kalivaliyo

141 [Waliwo ow'oluganda ayogera mu nnini. Ow'oluganda Branham asiriikiriramu—Omuk.] Nga twewombeekedde ddala. Tulina wano omuvvuunuzi, ow'oluganda Higginbotham. Simanyi oba waali olwaleero, oba nedda. Twagala okumanya kyatugamba. Mulindeemu katono. Wano, wano . . . [Mwannyinaffe avvuunula.] Ddala, Mukama yeebazibwe! Okukkiriza kwange kulinnye nnyo mu Katonda. Mmwe, mumwagala, n'omutima gwammwe gwonna, leero? [Ekibiina, "Amiina." — Omuk] Oh, mumutendereze, nga mugamba, "Mukama Yesu, weebale!" [Ekibiina kitendereza Katonda.] Mukama, nga tukutendereza, n'emtima gyaffe gyonna! Ekitiibwa kibe eri Katonda! Mmwe mwenna, mumutendereze. Katonda Abeere nammwe! [Ekibiina kyeyongera okusanyuka nga kitendereza Katonda — Omuk.]



Byabuulirwa
William Marrion Branham
"...mu nnaku z'eddoboozi..." Kub. 10:7